

朔平府志 丙

第三冊

卷之四 建置志

|    |    |    |
|----|----|----|
| 邊關 | 城壘 | 諸園 |
| 城池 | 公署 | 學校 |
| 祠祀 | 寺觀 | 倉庫 |
| 郵政 | 驛站 | 舖遞 |
| 坊表 | 碑樓 | 橋梁 |
| 陵墓 |    |    |

朔平府志卷之四

建置志

城池 公署 學校 祀祠 倉庫 郵政  
驛遞 坊表 橋梁 陵墓

周禮惟王建國辨方正位體國經野設官分職以爲民極其造都邑亦如之掌固掌修城郭溝池樹渠之固土方氏掌土圭之法以土地相宅量人營宮舍軍壘量其道巷門渠小宗伯掌建國之神位立其社稷凡天神人鬼地示莫不有祀而學校尤重以建學明倫敦化爲先也至廩人倉人泉府職金之屬各有所掌則皆所宜置而西伯治岐恩先糞獨澤及枯骨與


朔平府志

卷之四

建置志

一

夫置郵傳命以通往來表厥宅里以彰功德均爲王政所必及他若司險掌山林川澤之阻而達其道路此橋梁所由設墓大夫掌凡邦墓之地域而守其禁令則陵墓亦不遺載在禮經章章可攷朔郡新設凡屬建置或創或修燦然畢備茲統列於前別爲序次於後而各冠以圖庶覽者可依類以觀云



朔平府志

卷之四

建置朔平邊關城堡總圖




朔平府志

卷之四

建置朔平邊關城堡總圖






朔平府志

卷之四

建置右玉疆域山川邊關城堡圖

四







朔平府志

卷之四

建置左雲疆域山川邊關城堡圖

五






朔平府志

卷之四

建置平魯疆域山川邊關城堡圖

六






朔平府志

卷之四

建置朔州疆域山川邊關城堡圖






朔平府志


卷之四

建置馬邑疆域山川邊關城堡圖

八

府城全圖






將軍府圖

朔平府志


卷之四

建置府城全圖

九



社稷壇




府署圖


朔平府志

卷之四


建置將軍府圖

十






糧府署圖



朔平府志

卷之四

建置府署圖



城池

州縣 邊堡 附

粵稽大易垂設險之文周禮載掌固之職築城鑿池由來久矣矧在邊方所關尤重朔郡五屬本城而外堡城尚多其中有衛有所雖大小不等其在前代相時度勢要皆有爲而設今

國家世際昇平刪繁就簡設官守禦者三之一焉因革損益可以思盛衰之故矣茲編於郡城首書右玉附郭州縣次之有官之堡城各次於其地而於裁官之堡亦附於其後不惟大小相制輕重相維之義明而亦

朔平府志

卷之四

建置城池

十二

令稽古者俾有所考云

府城

右玉縣附郭

明洪武二十五年初設定邊衛築城禾幾衛省永樂七年復設大同右衛築完正統間以邊外玉林衛內徙附入爲右玉林衛嘉靖四十五年重修萬歷三年磚包周九里八分高連女牆四丈二尺濶三丈五尺國朝康熙年間兩次重修

雍正三年省右衛置朔平府右玉縣附郭 七八九三年重修內土外磚墻垣四門樓三角樓西南角缺

敵臺二十八塚口五百六十四守舖八門四東和陽  
南永寧西武定北鎮朔門外各有月城西月城近河  
新修南有關廂南北東門外有八旗營房城內駐劄  
將軍都統府縣叅守等官及鑲黃正黃兩旗官兵爲  
關外重地

右玉縣

附郭

殺虎堡

在縣北二十里緊靠北邊明嘉靖二十三年  
築堡萬歷二年磚包周二里高三丈五尺四  
十三年於近關處另築新堡一座名平集堡周二  
里高下與舊堡等中建客店內外交易復於兩堡  
中間東西築牆連環爲一前後左右安門東西南  
北四通周圍五百四十丈共計三里唇齒相依犄

朔平府志

卷之四

建置城池

十四

角互援內駐劄稅部驛道巡檢司副將都司守備  
等官爲郡北要衝

威遠堡

在縣南五十里明正統三年設威遠衛築城  
嘉靖二十八年重修萬歷三年磚包周五里  
八分高連女牆四丈門四東宣陽南崇化西寧遠  
北靖朔外皆有月城上建門樓敵樓共三十二座  
內駐劄巡檢司千總各一員

破虎堡

在縣東北五十里北至邊牆一里明嘉靖二  
十三年築堡萬歷二年磚包周二里零八步  
高三丈八尺南門一座內駐劄把總一員

鐵山堡

在縣西南二十五里西至邊牆三十里嘉靖  
三十八年築堡萬歷二年磚包周一里四分  
高連女牆三丈五尺門外有關題保障鎮魯關外  
有石碑題鐵塞金湯

國初奉裁雍正十年新設官兵內駐劄把總一員

雲石堡

在縣西南四十五里西至邊牆三里明嘉靖

尚遠改建於王石匠河磚包周一里七分高連女

把總一員

馬營河堡

殘虎堡

馬堡

紅土堡

黃土堡

祁河堡

牛心堡

威平堡

雲陽堡

以上九堡建自明嘉靖萬歷年間俱設官兵

國朝順治年間奉裁

左雲縣城

在府東南七十五里洪武二十五年初設鎮朔衛築城未幾衛省永樂七年復設大同左

朔平府志

卷之四

建置城池

十五

衛築完正統間以邊外雲川衛內徙附入為左雲

川衛始磚包周十里一百二十步高三丈五尺門

三南拱辰西靖遠北控朔東倚山岡上建一樓以

便眺望南關初制甚大明嘉靖間副將吳鼎兵道

葛大紀重修東西減半萬歷間兵道韓應元副將

麻貴會詳總督吳兌巡撫鄭洛增修叅政樊東謨

韓策再修城頗雄壯內駐劄知縣儒學城守千總

等官

威魯堡

在縣北四十里北至邊牆二里明嘉靖二十

女牆三丈八尺南門外有月城內駐劄千總一員

寧魯堡

在縣北五十里北至邊牆五里明嘉靖二十

女牆三丈七尺南門外有南關外有月城內駐劄

把總一員

高山城

在縣東六十里明天順六年建置嘉靖十四

年改建今城萬歷十年磚包周四里三分高



連女牆四丈二尺東西二門內駐劄巡檢司都司等官

### 保安堡

在縣東北六十里西至邊牆二里明嘉靖二十四年築堡萬歷元年磚包周一里五分高

國初奉裁雍正十年新設官兵內駐劄把總一員

### 破魯堡

在縣北七十五里明嘉靖二十二年築堡萬歷元年磚包周三里二分高連女牆四丈二尺南門外有月城內駐劄把總一員

### 助馬堡

在縣東北九十五里西至邊牆二里北至邊牆八里明嘉靖二十四年築堡萬歷元年磚包周二里四分高連女牆三丈八尺東門外有東關周一里許高三丈磚包內駐劄叅將守備千把

總巡檢司等官

### 拒門堡

在縣東北一百一十里北至邊牆五里明嘉靖二十四年築堡萬歷元年磚包周一里八

## 朔平府志

### 卷之四

建置城池

十六

分高連女牆三丈五尺東門外有月城國初奉裁雍正十年新設官兵內駐劄把總一員

### 雲西堡

### 雲岡堡

### 滅魯堡

### 三屯堡

以上四堡建自明嘉靖隆慶萬歷年間俱設官兵

## 國朝順治年間奉裁

### 平魯縣城

在府西南一百一十五里明成化十七年巡撫郭鏗總兵范瑾太監陳政以地極衝要始

題設平魯衛指揮王昇築城宏治十一年守備關祥指揮燕瑛磚包東西二面隆慶六年叅將袁世傑趙宗璧磚包南北二面萬歷三年告竣周六里三分高連女牆三丈六尺門三東東作西成南

南訛各建樓於其上外各為月城東月城內有草廠門為牧馬地北倚山為固後建敵臺角樓四腰

舖十五丈七年叅將賈邦直新築南關土牆周二百五十七丈高二丈三十四年叅將郭增輝以山

水渰沒民居用石砌水濠南北長二百五十丈深一丈濶二丈設二水門以通山水形勢頗峻內駐劄知縣儒學典史叅將守備把總等官

**井坪城** 在縣南六十里明成化二十一年總督余子俊始題請設井坪所築城隆慶六年展築南

城之半今街心玉皇閣即先南門基周四里九分磚包高連女牆三丈六尺門二南雄城北天險各建樓於上外各為月城角樓四有南關內駐劄巡檢司都司各一員

**威虎堡** 在縣北五十里西至邊牆五里明嘉靖二十三年築堡萬歷九年磚包周一里五分高連

女牆四丈二尺東門外有東關國初奉裁雍正十年新設官兵內駐劄把總一員

**大水堡** 在縣西北四十里西北至邊牆一里明崇正十三年指揮鄭一元築堡磚包周一里六十

步高連女牆三丈五尺東門上有樓外有東關內駐劄把總一員

朔平府志

卷之四

建置城池

**敗虎堡** 在縣西三十里西至邊牆十里明嘉靖二十三年築堡隆慶六年磚包周一里五分高連

女牆三丈六尺東門上有樓外有南關內駐劄把總一員

**迎恩堡** 在縣西三十里西至邊牆十里明嘉靖二十三年築堡萬歷元年磚包周一里五分高連

女牆三丈七尺東門上有樓外有東關國初奉裁雍正十年新設官兵內駐劄把總一員

**阻虎堡** 在縣西三十里西至邊牆十里明嘉靖二十三年築堡隆慶六年磚包周一里一分高連

女牆三丈五尺南門上有樓外有東南二關內駐劄千總一員

**乃河堡** 在縣西南六十里明嘉靖四十五年築堡萬歷元年磚包周一里四分高連女牆三丈五

尺南門上有樓外有南關內駐劄把總一員

滅虎堡建自明嘉靖年間內設官兵

國朝順治年間奉裁

朔州城

即古馬邑城詳沿革志原城基九里十三步元至正末姚樞副守朔州以兵少城闕省去西北

築東南一隅以便備守未完棄之明洪武三年鄖陽侯指揮鄭遇春奉勅開設朔州衛依元姚樞副

所築舊趾修完二十年指揮薛壽磚包萬歷間知州張守訓重修通判郭如松濬池築外牆周七里

高三丈六尺女牆六尺濶四丈門四東文德西武定南承恩北鎮塞各建樓其外各為月城城以

外濬池池以內築護城牆牆以外築馬驥牆儼然名郡

國初順治六年姜壤逆黨嬰城而守大兵攻破後雖修補非前規矣內駐劄知州吏目都司等官

馬邑縣城

唐開元中重置詳沿革志明洪武十六年朔州衛指揮孫昭奉命更築正統二年武安侯

鄭亨展拓其基隆慶六年巡撫劉應箕巡按劉良弼會題知縣岳汴守備時爾直督工磚包萬歷元

朔平府志

卷之四

建置城池

年告成周四里高連女牆三丈六尺角樓四四面舖舍十二門二外各有月城甕城濠牆敵臺

國朝康熙三十二年地震塌損邑紳中書霍之瑄侍郎田喜霽捐資補修四十年知縣秦擴捐資監

生霍焯督工修西甕城內駐劄知縣典史儒學千總等官

歸化城附

明萬歷十四年北順義王俺答妾三娘子名哈屯封忠順夫人俺答死再配俺答長子黃

台基及孫扯力克因扯力克有娶把漢那吉之妻大成比妓三娘子別築城另居前明賜名歸化周

三里許高三丈餘南北二門東西南三關相通各有門各建樓其上內外駐劄兩旗都統巡按理事

同知協理廳等官

舊玉林城

脫脫城

紅城

黑城

以上詳古蹟

淮南子云作城始鯀古今攸賴成城也春秋城成必

書制綦重矣郡一州四邑五城雖廣狹異度向背異形而依山阻水各從其宜俱稱巖疆其間邊堡復布置左右相度經營增修繕治前人之成勞在焉然地利尤貴人和綢繆必迨未雨守土者睦文武輯兵民謹封守時啓閉衆志成城思患預防尹鐸所以資保障李勣所以賢長城也增埤浚隍北門鎖鑰何古今人之不相及哉

公署

國家設官分職凡以為民也或以治民或以衛民一經一緯而文武分矣然蒞斯土者不可以露居野處南面而臨嚮明而治君子所履小人所視公署於是乎建焉郡自本治以及五屬除朔州馬邑仍舊外右玉左雲平魯地當更置之初官皆新設署必俱備宜創宜因次第就理茲於肇造年月重修姓氏悉誌於篇所願君子聿來胥宇無墮前人無廢後觀常思補葺勿傳舍視之可耳

朔平府志

卷之四

建置公署

府城

將軍府

在鼓樓西大街

大堂

儀門

無

大門

東西鼓廳

東西牙臺

東西轅門

宅在堂後

大小共計二十五間

副都統署二所

每所二十間

一在東大街  
一在西大街

協領署十二所

每所十五間

分列各旗內

佐領署七十二所

每所十二間

分列各旗內

防禦署七十二所

每所八間

分列各旗內

驍騎校署七十二所

每所六間

分列各旗內

筆帖式署四所 每所四間 在城內

府署 在南門內路西倉街 雍正四年知府徐榮疇  
奉文領藩庫銀創建碑記詳藝文

大堂 東房西 儀門 大門 東房西 宅在二堂後

經歷司署 在府大門內西 宅在廳後 雍正六年  
經歷周成領藩庫銀創建碑記詳藝文

土地祠 在府大門內東

糧餉理事同知署 在鼓樓西大街係前西路府署改設

大堂 東房西 儀門 大門 東房西 宅在堂後

倉大使署 在常豐倉內

庫大使署 在倉街路北

朔平府志

卷之四

建置公署

陰陽學 醫學 僧綱司 寶寧寺內 道紀司 關聖廟內

叅將署 未設

中軍守備署 在城西北隅係前城守守備署

大堂 儀門 大門 宅在堂後

千總二署 把總四署 俱未設

殺虎堡

戶部抽分署 在西門內 筆帖式署 在部署東今廢

驛傳道署 在西門外

巡檢司署 在堡內西街係前小察院改設

協鎮署 在堡內北街係前城守署改設

大堂 儀門 大門 東西 轅門 宅在堂後

中軍都司署 在堡內東街係前大察院改設

千總二署 把總四署 俱未設

右營守備署 未設

千總二署 把總四署 俱未設

歸化城

都統署 在城內路東 宅 一在城內路東 一在城外路西

巡察院署 未設 筆帖式署 未設

朔平府志

卷之四

建置公署

一一二

理事同知署 在城外河西

協理署 未設

右玉縣

縣署 在東南街 雍正六年知縣陳有年奉文領藩庫銀創建

大堂 東西 儀門 大門 宅在堂後

典史署 在倉街縣倉前 雍正六年典史傅大化奉文領藩庫銀創建

陰陽學 醫學 僧錄司 道錄司 各附寺廟

威遠城巡檢司署 在東街道衙基 雍正九年七月知府劉士銘詳請給發公項銀兩

巡檢李序賢創建

威遠城千總署 在城內西南街

破虎堡把總署 在堡內東街

鐵山堡把總署 未設

雲石堡把總署 在堡內北街

左雲縣

縣署 在北門內太平樓東係前西路糧餉署改設

大堂 儀門 大門 宅在堂後

典史署 在鼓樓東街 雍正八年典史張宗齊奉文領藩庫銀創建

陰陽學 醫學 僧錄司 鼎榆宮內 道錄司 大寺庵內

朔平府志

卷之四

建置公署

一三三

城守千總署 未設

威魯堡千總署 在堡內西北

寧魯堡把總署 在堡內西北

高山城都司署 在堡內西北

千總署 未設

高山城巡檢司署 在本城北街道北 雍正九年巡檢陳裔芝奉文領藩庫銀創建

保安堡把總署 未設

破魯堡把總署 在堡內西街

助馬堡叅將署 在堡東門內路北



大堂 儀門 大門 轅門 宅在堂後

中軍守備署 在堡東關內路北

助馬堡巡檢司署 在本堡東街道北 雍正九年巡檢王陞珍奉文領 藩庫銀創建

拒門堡把總署 未設

平魯縣

縣署 在四牌坊街東係前衛署改設

大堂 儀門 大門 宅在堂後

典史署 在縣治大門內東偏 宅在堂後 雍正六年知縣張有觀奉文領 藩庫銀創建

陰陽學 醫學 僧錄司 道錄司 各附寺廟

朔平府志

卷之四

建置公署

一二十四

叅將署 在四牌坊街西

大堂 儀門 大門 轅門 宅在署後

中軍守備署 在鐘樓街東

大堂 儀門 大門 宅在署後

井坪城都司署 在北街路西係前叅將署改設

大堂 儀門 大門 宅在署後

井坪城巡檢司署 在北街路東係前千總署改設

威虎堡把總署 未設

大水堡把總署 在堡內東北

敗虎堡把總署 在堡內西北

迎恩堡把總署 未設

阻虎堡千總署 在堡內西北

乃河堡把總署 在堡內西北

### 朔州

州署 在東大街係前明宗藩蒲江府改設

大堂 儀門 大門 宅在堂後

吏目署 在西北街係前州舊治

陰陽學 醫學 僧正司 道正司 各附寺

### 朔平府志

#### 卷之四

建置公署

一二十五

都司署 在西大街係前南路糧廳署

大堂 儀門 大門 宅在堂後

### 馬邑縣

縣署 在大街西明洪武八年知縣吳國貢創修嘉靖萬歷間知縣王嘉趙德祐趙承芳相繼重修

大堂 儀門 大門 宅在堂後

典史署 在縣治東 康熙年間典史王天祚姜繼重修

陰陽學 醫學 僧錄司 道錄司 各附寺

城守千總署 在東大街係前守備署

周禮以八法治府釋文云百官所居曰府內外尊卑

百司庶職各分部署署位之表也署而曰公示無私也錢穀兵刑莫不有署徵斂於斯操守於斯聽斷於斯燕享於斯雖廣狹大小體制不同惟其稱而已履斯地升斯堂處斯室仰而觀俯而思何以仰酬君上奠安社稷慎固封疆和輯兵民苟整齊部署無廢乃公則實與名符署以人傳後之人將頌而美之曰某公遺愛豈不善哉

學校

王者建國君民教學為先其教家有塾黨有庠術有序國有學大學之教時教必有正業退息必有居學故君子之學藏修息游以成其德德成而民化之風移俗易而天下治學校之設所關攸重歷代以來莫不皆然郡五屬朔州馬邑建學久矣右玉左雲始於前明成化平魯始於嘉靖我

國家敦本興行首先教化遠及邊方莫不有學近復更置郡邑嘉與維新其造士視前有加爰詳始末並廟

朔平府志

卷之四

建置學校

一二十七

制祀典士額學田經書禮器悉載於志以教化所自興人材所從出也故詳誌之

府

廟制

雍正三年建設府時將威遠衛學改為府學隔府六十里謁廟致祭行禮未便時即詳請在府創建未及舉行謹按山西各府歷代廟祀考及禮樂祭器儀注等項備載於後以俟舉行其威遠舊廟今已傾圮附載右玉縣後

廟祀考

漢高帝十二年詔祀孔子以太牢諸侯王卿相至郡先謁廟而後從政

唐明皇開元二十七年追贈孔子為文宣王二十八年

詔春秋二仲月上丁祭

明太祖洪武十四年首建大學十七年勅每月朔望祭

酒以下行釋菜禮郡邑長以下詣學行香循前代之

舊孔子封大成至聖文宣王南向四配東西向稍前

十哲稍後皆於廟中封公爵從祀諸賢列東西廡凡

百有五人皆封侯顏子充國復聖公曾子邾國宗

聖公子思子沂國述聖公孟子鄒國亞聖公是為四

配費公閔損薛公冉雍黎公端木賜衛公仲由魏公

卜商鄆公冉耕齊公宰予徐公冉求吳公言偃陳公

顓孫汶陽侯南宮适萊蕪東金鄉侯澹臺滅明任城侯

原憲汶陽侯南宮适萊蕪侯曾點須昌侯商瞿平輿

侯漆雕開睢陽侯辛上蔡侯曹邴枝江侯公孫龍馮翊侯

施陽穀侯顏辛上蔡侯曹邴枝江侯公孫龍馮翊侯

秦商蠶澤侯顏高上邽侯壤駟赤成紀侯石作蜀鉅

平侯公夏首膠東侯后處濟陽侯奚容茂富陽侯顏

祖滄陽侯句井疆郵城侯秦祖武城侯縣成卽墨侯

公孫句茲汧源侯顏伋宛句侯顏之僕建城侯樂欬

堂邑侯顏何林慮侯狄黑鄆成侯孔忠徐成侯公西

箴臨濮侯施之常華亭侯秦非文登侯申棖濟陰侯

顏噲泗水侯孔鯉蘭陵伯荀況睢陽伯穀梁赤萊蕪

伯高堂生樂壽伯毛萇彭城伯劉向中牟伯鄭衆侯

朔平府志

卷之四

建置學校

|                      |                      |                      |                      |                     |                     |                     |                     |                      |                      |                      |                      |                      |                      |                      |                      |                      |                      |                      |                      |                      |                     |                      |                        |                       |                      |                      |                      |                      |                      |                      |                      |                      |                      |                        |                        |
|----------------------|----------------------|----------------------|----------------------|---------------------|---------------------|---------------------|---------------------|----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|---------------------|----------------------|------------------------|-----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|------------------------|------------------------|
| 伯戴聖曲阜伯孔安國岐陽伯賈逵扶風伯馬融高 | 密伯鄭玄任城伯何休偃師伯王弼新野伯范甯道 | 國公周敦頤洛國公程頤鄜伯張載徽國公朱熹開 | 封伯呂祖謙凡五十二人其始祀京師國學及曲阜 | 廟而已十年命天下通祀之學宮二十九人從祀 | 司副楊砥之言罷楊雄進董仲舒永樂八年進祀 | 元吳澄追封臨川郡公正統二年進祀宋儒胡安 | 國蔡沈真德秀成化元年加封仲舒廣川伯安國 | 建寧伯沈崇安伯德秀浦城伯其年有請以楊時從 | 祀者下禮部命翰林議大學士李賢侍講學士劉定 | 之等議有宋周程朱三大儒闡道之後斯文有傳興 | 起者衆自非識足明至理於毫釐行足希往聖之踵 | 武功足為遺經之羽翼弗得與於聖門俎豆之典如 | 時早入程子之戶庭後啟朱子之統緒信為學者所 | 仰但其論西銘也程子謂未釋然其解中庸也朱子 | 多辨其非真至應蔡京之召無大建明學術出處尚 | 有可議若夫釋經之言雖間見語孟然未若胡安國 | 之傳春秋蔡沈之傳尚書其功為多況同游程門有 | 優於時者曰呂大臨曰游酢啟教朱子有親於時者 | 曰羅從彥曰李侗諸儒既皆不與楊時似難獨入請 | 命有司時祀其鄉制曰可乃立祠延平以羅從彥李 | 侗配宏治八年祭酒謝鐸言楊時伊洛正傳遠承 | 孟氏雖晚年一出不究所施而力闢新經足衛吾道 | 下廷議可乃進時從祀典為請上大事一曰孔子祀典錄 | 臣張璪以正孔子祀典為請上大事一曰孔子祀典錄 | 以示群臣璪所請正祀典凡五事一曰孔子祀典錄 | 王二曰不宜設像三曰不宜十二籩豆樂八佾四曰 | 不宜庭祀顏路曾點孔鯉五曰兩廡諸賢宜更正複 | 繆而以蔡元定蔡沈父也其著書有律呂新書皇極 | 指要洪範解大衍詳說諸篇朱熹疏經修史皆於叅 | 訂往復啟蒙一書雅所屬草歐陽修著本經論有衛 | 道功其學實繼韓愈推孟子以達孔氏元定修宜從 | 祀行人司正薛侃亦言宋儒陸九淵學繼伊洛惟早 | 歲與朱熹異論朱氏弟子遂擯為禪夫士何常入門 | 歸求聖賢之道立極君師一淵道宜從祀春秋禮部集議 | 古者帝王繼天立極君師一淵道宜從祀春秋禮部集議 |
|----------------------|----------------------|----------------------|----------------------|---------------------|---------------------|---------------------|---------------------|----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|---------------------|----------------------|------------------------|-----------------------|----------------------|----------------------|----------------------|----------------------|----------------------|----------------------|----------------------|----------------------|----------------------|------------------------|------------------------|

朔平府志

卷之四

建置學校

孔子推明王道以身淑人乃專名師傳曰能自得師者王師尊矣請命天下學宮皆易孔子像以主稱至聖先師廟曰先師之廟四配皆稱子十哲以下稱先賢某子左邱明以下稱先儒某子春秋祭祀國學十籩十豆府州縣八籩八豆樂舞用六佾一如國初制別爲叔梁紇立祀稱啟聖公孔氏以顏無繇曾點孔鯉孟孫氏配而程珦朱松蔡元定從祀焉啟聖公牲帛籩豆視四配四配視十哲三氏視兩廡改申棖申黨爲一公伯寮秦冉顏何荀況戴聖劉向賈逵馬融何休王肅杜預吳澄皆罷祀林放蘧伯玉鄭衆盧植鄭玄伯虔范甯各祀其鄉增祀后蒼王通歐陽修胡瑗陸九淵五儒詔曰可隆慶五年進本朝薛文清瑄從祀萬歷二十年進布衣胡居仁翰林檢討陳獻章新建伯王文成守仁從祀二十年從湖廣巡撫都御史郭惟賢議進祀周敦頤之父輔成於啟聖祀四十年從福建提學副使熊尚文請進祀宋儒羅從彥李侗云

朔平府志

卷之四

建置學校

國朝

聖祖仁皇帝康熙三十三年

御製

至聖先師孔子贊

並序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往績仰邇前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人行道者勲業炳於一朝明道者教思周於百世堯舜禹湯文武之後不有孔子則學行紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀關里景企滋深敬攜筆而

爲之贊曰  
清濁有氣剛柔有質聖人參之人極以立行著習察舍  
道莫由惟皇建極惟后綏猷作君作師垂統萬古惟  
堯舜禹湯文武五百餘歲至聖挺生金聲玉振集厥大  
成序書刪詩定禮正樂既窮象繫亦嚴筆削上紹往緒  
下示來型道不終晦秩然大經百家紛紜殊途異趣日  
月無踰羹墻可晤孔子之道惟中與庸此心此理千聖  
所同孔子之德仁義中正秉懿之好根本天性庶幾夙  
夜勗哉令圖遡源洙泗景躅唐虞載歷庭除式觀禮器  
擯毫仰贊心焉遐企百世而上以聖爲歸百世而下以  
聖爲師非師夫子惟師於道統天御世惟道爲寶泰山  
巖巖東海泱泱高萬仞夫子之堂孰窺其藩孰窺其  
徑道不遠人  
克念作聖

### 顏子贊

聖道早聞天資獨粹約禮博文不遷不貳一善服膺萬  
德來萃能化而齊其樂一致禮樂四代治法兼備用舍

## 朔平府志

### 卷之四

建置學校

三十一

行藏王  
佐之器

### 曾子贊

洙泗之傳魯以行之一貫曰唯聖學在茲明德新民止  
善爲期格致誠正均平以推至德要道百行所基纂承  
統緒修  
明訓辭

### 子思子贊

於穆天命道之大原靜養動察庸德庸言以育萬物以  
贊乾坤九經三重大法是存篤恭慎獨成德之門卷之  
藏密擴  
之無垠

### 孟子贊

哲人既萎楊墨昌熾子輿闢之曰仁曰義性善獨闡知  
言養氣道稱堯舜學屏功利煌煌七篇並垂六藝孔學



攸傳禹  
功作配

康熙四十九年

欽定頒升先賢朱子於文廟正殿東哲之次

雍正三年十二月二十七日奉

上諭

朕以

先師孔子聖諱理應迴避前降諭旨令九卿會議具奏經九卿議覆凡姓氏俱加卩為邱凡係地名皆更易他名至於書寫常用之際則作古體字朕細思今文出於古文若改用卩字是仍未嘗迴避也此字本有期音查毛詩及古文作期音者甚多嗣後除四書五經外凡遇此字並加卩為邱地名亦不必改易但加卩旁讀作期音庶乎允協足副朕尊崇

朔平府志

卷之四

建置學校

三十一

先聖之至意特諭欽此

雍正二年三月初一日奉

上諭諭禮部等衙門及國學諸生

治天下之要以崇師重道廣勵學宮為先務朕親詣太學釋奠先師禮畢進諸生於彛倫堂講經論學凡以明道術崇化源非徒飾園橋之觀聽也維孔子道高德厚萬世奉為師表其附饗廟庭諸賢皆有羽翼聖經扶持名教之功然歷朝進退不一而賢儒代不乏人或先罷而今宜復有舊缺而今宜增其從祀崇聖祠者周程朱蔡外或有可升而附並先賢先儒之後孰當增置五經博士以昭崇報均關大典九卿翰林國子監詹事科道會同詳考定議以聞欽此九卿等詳考古今同酌敬擬兩廡復祀者十一人林放蘧瑗鄭康成鄭衆盧植服虔范甯秦冉顏何戴聖何休增祀者十八人樂正子公都子萬章公孫丑諸葛亮陸贄韓琦尹焞

黃幹陳淳何基王栢金履祥許謙陳澹羅欽舜蔡清  
陸隴其崇聖祠增祀者一人張迪應增置博士者六  
人冉伯牛冉雍冉求宰予子張有若合詞具題雍  
正二年五月十九日奉

上諭諭九卿等先儒從祀文廟關係學術人心典至重也  
宜復宜增必詳加考證折衷盡善庶使萬世遵守永無

異議爾等所議復祀諸儒雖皆有功經學然戴聖何休  
未為純儒鄭衆盧植服虔范甯謹守一家言轉相傳述

視鄭康成之淳質深通似乎有間至若唐之陸贄宋之  
韓琦事君以誠立身以正勲業昭垂史冊自是千古名

臣然於孔孟心傳果有授受而能表彰羽翼乎其他諸  
儒是否允協以及宰予冉有增置博士之處着再公同

確議務期至當不易具奏特諭欽此九卿等再四詳考  
參酌除將前議內戴聖何休鄭衆盧植服虔陸贄韓

琦無容增復宰予冉有無庸增置博士外今議得宜  
復祀者六人林放蘧瑗秦冉顏何鄭康成范甯宜增

祀者二十人縣單牧皮樂正子公都子萬章公孫丑  
諸葛亮尹焯魏了翁黃幹陳淳何基王栢趙復金履

### 朔平府志

### 卷之四

建置學校

三十二

詳許謙陳澹羅欽順蔡清陸隴其宜入崇聖祠者一  
人張迪宜增置博士者四人冉雍冉伯牛子張有若

等因雍正二年八月二十二日奉  
旨朕念先賢先儒扶持名教羽翼聖經有關學術人心爰

命九卿詳議今諸臣參考周詳評論公正甚合朕心着  
依議行

### 欽定文廟正殿四配十哲東西廡先賢先儒安設位次

#### 正殿

至聖先師孔子神位

正中南向

#### 四配

復聖顏子

述聖子思子

在殿內東傍西向

宗聖曾子

亞聖孟子

在殿內西傍東向

十哲

閔子名損

冉子名雍

端木子名賜

仲子名由

卜子名商

在殿內次東 西向

冉子名耕

宰子名予

冉子名求

言子名偃

顓孫子名師

在殿內次西 東向

朱子名熹

在殿內次東 西向

東廡

蘧瑗

澹臺

滅明

原憲

南宮适

商瞿

漆雕開

司馬耕

有若

巫馬施

顏辛

朔平府志

卷之四

建置學校

三十四

曹邨

公孫龍

秦商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣成

公祖

句茲

燕伋

樂欬

狄黑

孔忠

公西蒧

顏之僕

施之常

申枏

左邱明

秦冉

牧皮

公都子

公孫丑

張載

程頤

以上先賢

公羊高

孔安國

毛萇

高唐生

鄭康成

諸葛亮

王通

司馬光

歐陽修

胡安國

尹焞

呂祖謙

蔡沈

陸九淵

陳淳

魏了翁 王栢 許衡 許謙 王守仁

薛瑄 羅欽順 陸隴其 以上先儒

西廡

林放 宓不齊 公冶長 公皙哀 高柴

樊須 商澤 梁鱸 冉孺 伯虔

冉季 漆雕 徒父 漆雕哆 公西赤 任不齊

公良孺 公肩定 鄭單 罕父黑 榮旂

左人郢 鄭國 原亢 廉潔 叔仲會

公 輿如 邽 巽 陳亢 琴張 步叔乘

朔平府志

卷之四

建置學校

三十五

秦非 顏噲 顏何 縣亶 樂正克

萬章 周敦頤 程顥 邵雍 以上先賢

穀梁赤 伏勝 后蒼 董仲舒 范甯

韓愈 范仲淹 胡瑗 楊時 羅從彥

李侗 杜子春 張栻 黃幹 眞德秀

何基 趙復 金履祥 陳澔 陳憲章

胡居仁 蔡清 以上先儒

祭器

焚香鼎 燭臺 壘洗 盥盆 著尊 海尊

銅鈸 爵 爨 鋤 簠簋 籩豆

祭品

帛 香 降香 爐香 末香 線香

燭 香油 黃蠟 酒 糯米 麩

羊 豕 鹿 兔

太羹 以上實於登 和羹 以上實於鉶

黍米 稷米 以上實於簠 稻米 梁米 以上實於簋

鹽 膏魚 棗 榛 栗 菱 芡

鹿脯 以上實於籩

朔平府志

卷之四

建置學校

三十六

韭菹 菁菹 芹菹 笋菹 醯醢 鹿醢 兔醢

魚醢 以上實於豆

樂器

麾旛 二 祝 一 敔 一 編鐘 六十 編磬 六十 琴 六 瑟 六 笙 六

塤 二 箎 二 鳳簫 六 洞簫 六 龍笛 六 應鼓 二 拊鼓 二

搏鐘 一 懸鼓 一

舞器

旌節 二 籥翟 三十六

佾數

唐樂用宮縣舞用六佾 明初田六佾成化十三年增為八佾嘉靖九年仍為六佾

國朝康熙二十六年仍用六佾引樂麾旛二人樂生四十八人引樂旌節二人舞生四十八人

### 殿設

傘 一柄  
宮燈 一對

雍正三年

欽定文廟正殿四配十哲東西廡先賢先儒禮神制帛陳

### 設祭品

### 正位

禮神制帛 一 白色  
白磁爵 三  
牛 一  
羊 一  
豕 一  
登 一

朔平府志

卷之四

建置學校

三十七

鉶 二  
簋 二  
籩 二  
簋 二  
籩 十  
豆 十  
酒罇 一

### 四配每位

禮神制帛 一 白色  
白磁爵 三  
羊 一  
豕 一  
鉶 一  
簋 二

籩 二  
籩 八  
豆 八  
酒罇 一

### 十哲

東五位 五案  
又

朱子一位 一案

禮神制帛 一 白色  
白磁爵 各一  
豕 一  
鉶 各一  
簋 各一

籩 各一  
籩 各四  
豆 各四  
豕首 一

西五位 五案

禮神制帛 一 白色 白磁爵 各一 豕 一 劔 各一 簋 各一

簋 各一 籩 各四 豆 各四 豕首 一

東廡

禮神制帛 一 白色 銅爵 各一 豕 三 每案簋 一 簋 一

籩 四 豆 四

西廡

禮神制帛 一 白色 銅爵 各一 豕 三 每案簋 一 簋 一

籩 四 豆 四

朔平府志

卷之四

建置學校

三十八

祭儀

宋徽宗賜禮品一副內十籩十豆 明洪武十五年頒奠儀 府用籩豆各八成化十三年以禮部尚書周洪謨奏加籩豆府各十嘉靖九年遵照初制每春秋二仲上丁之日屆期本府先一日詣學省牲次早五鼓引贊生導正獻官及各官就位行禮凡三獻其祝文云維某年月日某官某敢昭告於至聖先師孔子惟先師德配天地道冠古今刪述六經垂憲萬世今茲仲春秋謹以牲帛醴齊粢盛庶品式陳明薦以復聖顏子宗聖曾子述聖子思子亞聖孟子配尚饗

迎神 樂奏咸和之曲

大哉宣聖 道德尊崇 維持王化 斯民是宗  
典祀有常 精純並隆 神其來格 於昭聖容

初獻 舞圖

自生民來 誰底其盛 惟師神明 度越前聖  
粢帛具成 禮容斯稱 黍稷非馨 惟神之聽

### 亞獻

大哉聖師 實天生德 作樂以崇 時祀無斁  
清酤惟馨 嘉牲孔碩 薦羞神明 庶幾昭格

### 終獻

百王宗師 生民物軌 瞻之洋洋 神其寧止  
酌彼金盃 惟清且旨 登獻惟三 於嘻成禮

### 徹饌 樂奏咸和之曲

犧象在前 豆籩在列 以享以薦 既芬既潔  
禮成樂備 人和神悅 祭則受福 率尊無越

### 送神 樂奏咸和之曲

有嚴學宮 四方來崇 恪恭祀事 威儀雖離  
歆茲惟馨 神馭還復 明禋斯畢 咸膺百福

## 朔平府志

### 卷之四

建置學校

### 啟聖祠

祀孔子父啟聖公叔梁紇也配享從祀凡八人歲二  
祭與釋奠同日祭儀亦如之其祀文云維公誕生至  
聖為萬世王者師功德顯著今茲仲春秋謹以牲帛  
醴醢粢盛庶品用申常祭以先賢顏氏曾氏孔氏孟  
孫氏配尚饗啟聖公舊無祭元至順間封齊國公明  
嘉靖九年議以齊國公無祭為闕典又顏曾二子坐  
堂上而顏之父路曾之父黜在廡下孔鯉與孟孫氏  
亦無祭俱於義未當乃請欽定啟聖公祠中祀啟聖  
公叔梁紇配以顏路曾黜孔鯉孟孫氏而以程灝父  
珣朱熹父松蔡沈父元定從祀萬歷二十四年復進  
周敦頤父輔成從祀位在  
程珣之上遂為定制云

## 國朝

雍正元年三月十五日奉



上諭諭內閣禮部

至聖先師孔子道冠古今德參天地樹百王之謨範立萬世之宗師其為功於天下者至矣而水原木本積厚流光有開必先克昌厥後則聖人之祖考宜膺崇厚之褒封所以追溯前徽不忘所自也粵稽舊制孔子之父叔梁公於宋正宗時追封啟聖自宋以後歷代遵循而叔梁公以上則向來未加封號亦未奉祀祠庭朕仰體皇考崇儒重道之盛心修崇德報功之典禮意欲追封五代並享烝嘗用伸景仰之誠庶慰羹墻之慕內閣禮部會同確議具奏欽此內閣禮部臣等謹稽典禮詳考世系孔子之五世祖木金父公自宋遷魯始姓孔氏高祖祈父公曾祖防叔公祖伯夏公父叔梁公凡五代除叔梁公應照舊封啟聖公外木金父公至伯夏公四代皆應追封公爵臣等謹擬木金父公追封為肇聖公祈父公追封為裕聖公防叔公追封為詒聖公伯夏公追封為昌聖公即於啟聖祠內安設神位按昭穆位次每年春秋致祭其牲牢酒醴籩豆簠簋每神位

朔平府志

卷之四

建置學校

四十

前各照啟聖公例陳設其啟聖祠向係專祀叔梁公故以啟聖為名今

聖朝異數合祀五代擬更名為崇聖祠俟命下之日將追封字樣通行國子監順天府直省府州縣

衛學及衍聖公一體遵行至欽奉上諭一道應頒發國子監及闕里勒石廟庭以光

盛典等因於雍正元年三月二十七日題四月十八日大學士馬齊等啟奏折本奉

上諭五倫為百行之本天地君親師人所宜重而天地君親之義又賴師教以彰明自古師道無過於孔子誠首

出之至聖我皇考崇儒重道超軼千古凡尊崇孔子典禮無不備至朕蒙

皇考教育自幼讀書心切景仰欲再加尊崇更無可增之處故勅部追封孔子以上五代今部議封公上考前代帝王皆有推崇之典唐明皇封孔子為文宣王宋正宗加

封至聖文宣王聖父叔梁紇為齊國公元加封孔子為大成至聖文宣王加封齊國公為啟聖王至明嘉靖時猶以王係臣爵改稱為至聖先師孔子改啟聖王為啟

聖公王公雖俱屬尊稱朕意以為王爵較尊孔子五世應否封王之處着問諸大臣具奏欽此內閣禮部臣等

欽承之下深服

聖裁允當衆議僉同請自叔梁公以上至木金父公凡五代並追封為王爵謹擬追封木金父公為肇聖王祈父公為裕聖王防叔公為詒聖王伯夏公為昌聖王

遣大臣一員讀文祭告祭文翰林院撰擬祭品照例備

上諭一并頒發勒石可也等因於雍正元年六月初十日

旨依議 題本月十二日奉

欽定崇聖祠加封至聖先師孔子五代王爵正配兩廡安

設位次及禮神制帛陳設祭品

崇聖祠

朔平府志

卷之四

建置學校

四十一

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啟聖王叔梁公西二室南向

配位

先賢顏氏

無繇

先賢孔氏

鯉

在殿內東

西向

先賢曾氏

點

先賢孟孫氏

在殿內西

東向

東廡

先儒周輔成

先儒程珦

先儒蔡元定

俱西向

西廡

先儒張迪

先儒朱松

俱東向

正位陳設

五案

每位

禮神制帛

一白色

白磁爵

三

羊

一

豕

一

劔

一

簠

二

簋

二

籩

八

豆

八

酒罇

一

配位陳設

每位一案

禮神制帛

二白色

豕首

一

每位銅爵

三

簠

一

簋

一

籩

四

豆

四

豕肉

一

朔平府志

卷之四

建置學校

四十二

兩廡陳設

禮神制帛

二白色

每位銅爵

三

簠

一

簋

一

籩

四

豆

四

豕肉

一

忠義節孝二祠

雍正元年十一月奉

上諭諭禮部

行令各省府州縣衛分別男女每處各建二祠一為忠義孝弟之祠建於學宮之內祠門內立石碑一甬將前後忠義孝弟之人刊刻姓氏於其上已故者設牌位於祠中一為節孝之祠另擇地營建祠門外建大坊一座將前後節孝婦女標題姓氏於其上已故者設牌位於祠中每年春秋二次致祭交於各府州縣衛守土官其

建立祠宇牌坊銀兩動用正項錢糧修造仍飭有司時  
加修葺毋致傾圮如遇陞遷造入交盤永為遵行

### 大學 儒學

雍正三年建設府時將威遠衛學改為府學今已傾  
圮教授訓導暫寄威遠賃住民房前詳請在府創建  
未及舉行謹按山西各府儒學經制碑箴及現在士  
額廩貢學田等項備載於後以俟舉行其威遠舊學  
附載右玉縣後

明洪武二年十月辛卯詔天下郡縣並建學校以作養  
士類定在京府學生員六十人在外府學四十人州  
學三十人縣學二十人日給廩膳聽於民間選補仍  
免其家差徭二丁八年立社學十六年奏准天下府  
州縣學自明年為始歲貢生員各一人二十年令增  
廣生員不拘額數正統元年令生員名缺許本處官  
員軍民之家及社學俊秀無過犯子弟選補六年令  
府學一年貢一人州學三年貢二人縣學二年貢一  
人遂為定例十二年奏准令生員常額之外軍民子

## 朔平府志

### 卷之四

建置學校

四十二

弟願入學者提調教官考選俊秀待補增廣名缺一  
體考送應試成化三年令衛學四衛以上軍生八十  
人三衛以上軍生六十人二衛以上軍生四十人不  
及者不拘有司儒學軍生二十人正德十年奏准都  
司衛所學原定三年一貢者與設廩膳增廣生員各  
四十名原定三年一貢者與設廩膳增廣生員各三  
十名通行提學官考補以後於廩膳內照例考選克貢  
有多餘者俱作附學不堪者不必取足萬歷十一年  
題准各提學每歲考校入學務要不失原額間有他  
故巡歷不周次年即行如數補足其地方果係科目  
數多就試人眾則於定額之外量加數名但不許倍  
於原數如一槩取盈亦

## 國朝

初考試童生進學不拘額數順治四年定每考童生  
大學進四十人中學二十五人小學十二年定每考童生

定大學進十五人中學進十人小學五人武學如之  
十八年定科歲兩考歸併一考康熙元年停貢二年  
以策論考試七年停止策論仍復八股八年復歲貢  
定府學一年貢一人州學三年二人縣學二年一人  
九年督學道董朱袞請於部定中學十二人小學八  
人十年復學道董朱袞請於部定中學十二人小學八  
二年復三年內歲科兩考進文童二次武童一次恩  
拔貢生間舉行

### 明嘉靖五年頒敬一箴序碑

序曰夫敬者存其心而不忽之謂也元后敬則不失  
天下諸侯敬則不失其國卿大夫敬則不失其家士  
庶人敬則不失其身禹曰后克艱厥后臣克艱厥臣  
五子之歌有不失其予臨兆民如朽索之馭六馬爲人上  
者奈何不敬其推廣敬之一言可謂明矣一者純其  
理而無雜之謂也伊尹曰德惟一動罔不吉德二三  
動罔不凶其推廣一之言可謂明矣蓋位爲元后受  
天付託承天明命作萬方之君一言一動一政一令

## 朔平府志

### 卷之四

建置學校

四十四

實理亂安危之所繫若此心忽而不敬則此德豈能  
純而不雜哉故必兢懷畏慎於郊裡之時儼神明之  
鑒享發政臨民端莊戒謹惟恐拂於人情至於獨處  
之時思我之咎何如改之不吝思我之德何如勉而  
不懈凡諸事至物來究夫至理惟敬是持惟一是協  
所以盡爲天子之職庶不忝厥祖由是九族親之黎  
民懷之仁澤覃於四海矣朕以冲人纘承丕緒自諒  
德惟寡疎勉而行之欲盡持敬之功以馴致乎一行  
其先務又在虛心寡慾驅除邪逸信任耆德爲之匡  
輔敷求善人布列庶位斯可行純王之道以坐致太  
平雍熙之至治也朕因讀書而有得焉乃述此以勗  
云

箴曰人有此心萬理咸具體而行之惟德是據敬焉  
一焉所當先務匪一弗純匪敬弗聚元后奉天長此  
萬夫發政施仁期保鴻圖敬怠純駁應驗頓殊徵諸  
天人如鼓答桴朕荷天眷爲民之主德或不類以爲  
大懼惟敬惟一執之甚固畏天勤民不遑寧處曰敬  
維何怠荒必除郊則恭誠廟嚴孝趨肅於明廷慎於

問居省躬察咎傲而無虞曰一維何純乎天理弗參於三弗貳於二行顧其言終如其始靜虛無欲日新不已聖賢法言備見諸經我其究之擇善必精左右輔弼貴於忠貞我其任之鑒別必明斯之謂一斯之謂敬君德既修萬邦則正天親民懷永延厥慶光前垂後綿衍蕃盛咨爾諸侯卿與大夫以至士庶一遵斯謨主敬協一罔敢或渝以保祿位以完其軀古有盤銘目接心徹湯敬日躋一德受命朕爲斯箴拳拳希聖庶幾湯孫底於嘉靖

### 程子四箴

視箴 心兮本虛應物無迹操之有要視爲之則蔽交於前其中則遷制之於外以安其內克已復禮久而誠矣

聽箴 人有秉彝本乎天性知誘物化遂亡其正卓彼先覺知止有定閑邪存誠非禮勿聽

### 朔平府志

#### 卷之四

建置學校

四十五

是樞機興戎出好吉凶榮辱惟其所召傷易則誕傷煩則支已肆物忤出悖來違非法不道欽哉訓辭動箴 哲人知幾誠之於思志士勵行守之於爲順理則裕從欲惟危造次克念戰競自持習與性成聖賢同歸

### 范氏心箴

茫茫堪輿俯仰無垠人於其間渺然有身是身之微太倉稊米參爲三才曰惟心耳往古來今孰無此心心爲形役乃獸乃禽惟口耳目手足動靜投間抵隙爲厥心病一心之微衆欲攻之其與存者嗚呼幾希君子存誠克念克敬天君泰然百體從令

### 國朝

世祖章皇帝順治九年頒勒學校臥碑

朝廷建立學校選取生員免其丁糧厚以廩膳設學官以教之各衙門以禮相待全要養成賢才以供

朝廷之用諸生皆當上報  
皇恩下立人品所有教條開列於後

- 一 生員家父母賢智者子當受教父母愚魯或有非為者子既讀書明理當再三壑告使父母不陷於危亡
- 一 生員立志當學為忠臣清官書史所載忠清事蹟務須互相講究凡利國愛民之事更宜留心參考
- 一 生員居心忠厚正直讀書方有實用出仕乃作良吏若心術邪刻讀書必無成就為官必取禍患行害人
- 一 之事往往自殺其身常宜思省
- 一 生員不可干求官長交接勢要希圖進身若果心善德全上天知之必加以福
- 一 生員當愛身忍性凡有司官衙不可輕入即有切已之事止許家人代告不許干與他人詞訟他人亦不許牽連生員作証

一 為學當尊敬先生若講學皆須誠心聽受如有不明從容再問毋妄行辨難為師者亦當盡心教訓勿致

### 朔平府志

### 卷之四

建置學校

四十六

怠惰

一 軍民一切利害不許生員上書陳言如有一言建白

以違制論黜革治罪

一 生員不許糾黨多人立盟結社把持官府武斷鄉曲

違者  
治罪

### 聖祖仁皇帝康熙三十九年

### 御製訓飭士子文碑

國家建立學校原以興行教化作育人材典至渥也朕臨馭以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學朝夕誦讀寧無講究必也躬修幼聞庭訓長列宮墻朝夕誦讀寧無講究必也躬修

實踐砥礪廉隅敦孝順以事親秉忠貞以立志窮經  
考義毋雜荒誕之談取友親師悉化僞盈之氣文章  
歸於醇雅毋事浮華軌度式於規繩最防蕩軼子衿  
佻達自昔所譏苟行止有虧雖讀書何益若夫宅心  
弗淑行已多愆或撥姦猾欺孤凌弱或招呼朋類結社  
出入公門或唆或或撥姦猾欺孤凌弱或招呼朋類結社  
要盟乃如之人名教不容鄉黨弗齒縱倖脫褫朴濫  
竊章縫返之於衷能無愧乎况乎鄉會科名乃掄才  
大典關係尤鉅士子果有真才實學何患困不逢年  
顧乃標榜虛名暗通聲氣夤緣詭遇罔顧身家又或  
改竄鄉貫希圖進取囂凌騰沸網利營私種種弊端  
深可痛恨且夫士子出身之始尤貴以正若茲厥初  
拜獻便已作姦犯科則異時敗檢踰閑何所不至又  
安望其秉公持正為國家宣猷樹績膺後先疏附之  
選哉朕用加惠爾等故不禁止覆愆茲訓言頒到  
爾等務共體朕心恪遵明訓一切痛加改悔爭自濯  
磨積行勤學以圖上進國家三年登造束帛弓旌不  
特爾身有榮即爾祖父亦增光寵矣逢時得志寧俟  
哉之

雍正四年九月二十九日奉

皇上欽頒訓飭學校諭旨

為士者乃四民之首一方之望斤屬編氓皆尊之奉之  
以為讀聖賢之書列膠庠之選其所言所行俱可以為  
鄉人法則也故必敦品勵學謹言慎行不愧端人正士  
然後以聖賢詩書之道開示愚民則民必聽從其言服  
習其教相率而歸於謹厚或小民偶有不善之事即懷  
媿恥之心相戒勿令某人知之如古人之往事則民風

朔平府志

卷之四

建置學校



何患不淳世道何患不復古耶朕觀今日之士雖不乏  
閉戶勤修讀書立品之輩而蕩檢踰閑不顧名節者亦  
復不少或出入官署包攬詞訟或武斷鄉曲欺壓平民  
或違抗錢糧藐視國法或代民納課私潤身家種種卑  
污下賤之事難以悉數彼為民者見士子誦讀聖賢之  
書而行止尚且如此則必薄待聖賢之人而並且輕視  
聖賢之書矣士習不端民風何由而正其間關係極為  
重大朕自即位以來加恩學校培養人材所以教育士  
子者無所不至宜乎天下之士皆鼓舞奮興爭自濯磨  
盡去其佻達之習矣而內外諸臣條奏中臚列諸生之  
劣蹟請行嚴懲者甚多朕思轉移化導之法當先端其  
本原教官者多士之儀型也學臣者教官之表率也教  
官多屬中材又或年齒衰邁貪位竊祿與士子為朋儔  
視考課為故套而學臣又但以衡文為事任教官之因  
循怠惰苟且塞責漫不加察所以倡率之本不立無怪  
乎士習之不端而風俗之未淳也朕孜孜圖治欲四海  
之大萬民之眾皆向風而慕義革薄而從忠故特簡督  
學之臣慎重教官之職欲使自上而下端本澄源以收

朔平府志

卷之四

建置學校

四十八

實效也凡為學臣者務須持正秉公宣揚風化於教官  
之稱職者即加薦拔溺職者即行叅革為教官者訓誨  
士子悉秉誠心如父兄之督課子弟至於分別優劣則  
至公至當不涉偏私如此各盡其道則士子人人崇尚  
品誼砥礪廉隅且不但自淑其身而羣黎百姓日聞善  
言日覩善行以生其感發之心風俗之丕變庶幾其可  
望也  
特諭

雍正四年十月初八日奉

上諭

國家設學校以儲養人才鄉會廷試拔其尤者而用之  
即古選士造士之遺意也但士子作文有一日之長短  
縱使主司公明搜羅豈能無遺况去取惟憑文藝其人  
品之高下才能之優絀無由得知每有出羣拔萃之才  
屢試不售即或晚得一第而年力衰邁不堪為家國任  
使朕思各省學政奉命課士黜劣舉優係其專責嗣後

學政三年任滿將生員中實在人品端方有猷有爲有守之士大省舉四五人小省二人送部引見朕親加考試酌量擢用現在報滿各學政一省而舉數士不可謂無久者如有所知亦即舉出夫一省而舉數士不可謂無人學政巡歷各府三年之久日與士子相親考文察行不得謂不知但能虛公衡鑑所舉必得其人且風聲所樹凡讀書士行必皆鼓舞振興力學敦行求爲有用之儒於士習人材大有裨益該學政其各實心奉行毋得苟且塞責如有徇私冒濫等弊必嚴加治罪特諭欽此

### 雍正七年正月十七日內閣交出奉

#### 上諭

士子者百姓之觀瞻士習不端則民風何由得厚是以考課士子設爲舉優黜劣之典以爲移風易俗之道所關亦綦重矣而無如教官愚懦無能學臣因徇苟且往往視爲具文奉行不力每當學臣按試之時教官輒以

#### 朔平府志

#### 卷之四

建置學校

四十九

無優無劣具文申詳草草塞責如此則善者何由而勸不善者何由而懲夫善者之湮沒不彰一時尚難覺察而不善之人僥倖苟免于目前旋踵而劣跡敗露每見蕩閑踰檢犯法亂紀之士子皆從前學臣教官之未曾開報劣行者其間情罪雖難一一追究然即此可知其中之容隱不少矣嗣後若教官沽名邀譽縱容劣生不行舉報者經學臣察出立即指叅將教官照溺職例革職若學臣瞻徇情面不行究叅者一經發覺將學臣照徇庇例降級調用將此永着爲例特諭

#### 士額

攷各府學定制每案額進四十名雍正三年設府時將威遠學生員改爲府學生員通學原共文武生員二百四十五名九年歲考大同府儒學奉文遵例撥入本府儒學本籍文武生員六七十名現在通學八名因改爲府學每歲案增額文武童生一案額進

科案文童額同歲案無武童俟後人文興起增如各府額數

### 廩膳

攷各府學定制額設廩四十石增如廩數查威遠舊學原設廩一十二石因改爲府學增廩八石共二十石增如廩數俟人文興起後增如各府額數現在廩二十石每年額領廩銀八十兩膳夫銀一十三兩三分錢三分

### 貢額

攷各府學定制每年准貢一人遇拔貢額拔二名自新改府學因廩止二十石照舊額每二年准貢一人遇拔貢亦拔一人恩貢在外

### 學田

## 朔平府志

### 卷之四

建置學校

五十

共地一十一頃零五畝荒蕪殆半每年收雜糧租一十二石五斗八升

### 學庄

二處滴水崖袁家村每庄每年春秋二祭送炭一十六駄雜粟糧一石草一百束免雜差

### 右玉縣

### 廟制

明成化十五年創建原在鼓樓西街萬歷二十三年移建鼓樓東街即今地

國朝康熙六十年衛守備王松齡教授張淑修重修

### 正殿五間

### 東西廡各五間

康熙十六年頒

御書萬世師表匾額 左雲平魯朔州馬邑皆同

雍正四年頒

御書生民未有匾額 左雲平魯朔州馬邑皆同

大成門三間 中左右碑亭 櫺星門三間 外照壁牌坊欄峨嵋下馬牌

崇聖祠三間 在文廟後東

名宦祠三間 在戟門外左 鄉賢祠三間 在戟門外右

忠義祠三間 節孝祠三間 在啟聖祠後雍正七年知縣陳有年奉文創建

文昌祠 一在城西北隅一在城外風神臺 魁星樓 一在戟門外東一在城東南角樓

大學 儒學 創改重修同廟制

明倫堂五間 文廟正殿後 東西 間 約

世祖章皇帝頒示生 中奉 聖祖仁皇帝御製訓 碑 子 程子四箴

朔平府志 卷之四 建置學校 五十一

文武題名匾

教諭署 在學西 訓導署 在學東

士額 明初設學歲考案額准武童生各考文童如歲案 武童 案額准武童生各

國朝雍正三年改縣歲案增額文武童生各一 考文如歲案無武現在通學文武生員二八

廩膳 明初定廩二十名月給米一石折糧二石人二丁增數如廩無

國朝定制二十名每年共給銀八 三錢三分

貢額

國朝定制縣學二 貢 人恩貢在外

廩租 雍正二年廟前左右闔學公年所得房租公收公費 文廟補葺之

學田 每年收田租雜糧一十二石給散廩生並貧生

學庄 草溝堡 十百戶營 老墻框以上三村每年春秋二祭每庄交炭二十四駄免雜差

附威遠城

廟制 在城東門內大街 明嘉靖五年創建

正殿五間 東西廡各五間

大城門三間 外中泮池石橋 櫺星門三間 外東西牌樓

崇聖祠三間 在文廟東北

名宦祠 鄉賢祠 在戟門左右 以上俱傾圮殆廢

儒學

朔平府志

卷之四

建置學校

五十二

明倫堂五間 文廟正殿後 東西齋各三間 正心誠意

尊經閣三間 明倫堂後

教授署 明倫堂右 以上俱傾圮殆廢

左雲縣

廟制 明成化十五年巡撫王越創建原在東坡後移建南城萬歷間復改建於鼓樓西街即今地

正殿五間 東西廡各十五間

大成門三間 外中泮池石橋 櫺星門三間 外中照壁牌坊欄兩壁下馬牌

崇聖祠三間 在文廟東偏

名宦祠三間 在大成門左 鄉賢祠三間 在大成

忠義祠三間

節孝祠三間

俱在東大街雍正七年知縣袁大選奉文創建

文昌祠

一在文廟前  
一在東城坡

魁星樓

一在學門東  
一在南大街

小學  
儒學創改同廟制

明倫堂五間

東西齋各三間

博文約禮

尊經閣三間

在明倫堂後

講堂三間

在尊經閣西

敬一亭

在崇聖祠西

訓導署

在明倫堂西

士額

明初設學童進無定額

國朝定制每案歲考額進文武童生各八名科考文章如歲案無武童現在通學文武生員共二百四五十名

朔平府志

卷之四

建置學校

五十二

廩膳

明初定廩二十名月給米一石折銀一兩優免糧二石人二丁增數如廩無月米有優免附同

國朝定制二十名每年共給銀八十兩膳夫銀一十三兩三錢三分

貢額

國朝定制縣二年准貢一人恩貢在外

學田

共地三頃二畝五分共收租谷倉石一十二石三斗六升

學庄

在縣北乾溝村

平魯縣

廟制

明嘉靖五年創建原在東門內道北三十七年移建今縣治東崇正十三年衛守備申鼎欽教授許

國朝雍正二年衛守備白煥樞學教授張懷琦重修未完

正殿五間 東西廡各七間

大成門三間 外中泮池東 西陳設房 櫺星門三間 外照壁峨嵋石欄下馬牌

崇聖祠三間 在明倫堂東

名宦祠三間 在大成門左 鄉賢祠三間 在大成門右

忠義祠三間 櫺星門西 節孝祠三間 文廟路東雍正五年知縣王杜奉文創建

小 儒學 創改同 廟制

明倫堂三間 雍正六年教授王靄重修 東西齋各三間 經義治事

中奉

世祖章皇帝頒行生員臥碑

聖祖仁皇帝御製訓飭士子文碑 今上諭匾

朔平府志

卷之四

建置學校

五十四

朱子白鹿洞學規 雁平道謝王寵暨匾 文武題名匾

敬一亭三間 雍正六年教授王靄重建

中貯 明嘉靖敬一箴序碑

程子四箴碑 范氏心箴碑 國朝頒發各書籍

訓導署 在明倫堂西 雍正六年教授王靄重修

士額 明初設學童生進無定額

國朝定制歲考每案額進文武童生各八名科考文章如歲案無武童現在通學文武生員共二百四十五名

廩膳 明初定廩二十名月給米一石折銀一兩優免糧二石人二丁增數如廩無月米有優免附同

國朝定制二十名每年共給銀八十兩膳夫銀一十三兩三錢三分

貢額

國朝定制縣學二年准貢一人恩拔在外

學田

無廟學左右居民有炭夫十二名每名每年交炭十駄以供春秋祭祀生員月課之用

學庄

二處三層洞王家窰俱在縣北二十里每庄每年交草一百五十束以供修理廟學之用

朔州

廟制

在雲路街西北明洪武十年知州邾約創建正統十年兵毀成化嘉靖間知州呂文畢鸞萬歷間守道盛世承知州屈煒許爾忠通判郭如松相繼重修

國朝順治十五年知州侯樹屏康熙十一年知州方叔裔學正楊宏祖康熙五十九年知州莊清度署任應州知州章宏屢次重修

朔平府志

卷之四

建置學校

五十五

正殿五間

東西廡各九間

大成門三間

外中泮池磚橋櫺星門三間外中照壁東西牌樓兩壁豎下馬牌

崇聖祠三間

在文廟西北

名宦祠三間

在大成門左

鄉賢祠三間

在大成門右

忠義祠三間

崇聖祠南節孝祠三間制府街東雍正五年知州汪嗣聖奉文建

文昌祠

在中街卽制府舊址

魁星樓

在文廟東南

大學

明倫堂三間

文廟正殿東

東西齋各三間

進德修業

世祖章皇帝頒行生員臥碑



聖祖仁皇帝御製訓飭士子文碑  
科貢題名匾

敬一亭 在崇聖祠南今廢

學正署 在明倫堂後  
訓導署 在州治東南

士額 明初設學每案額進文武童生一十二名

國朝定制歲考每案額增文武童生各一十五名科考文  
如歲案無武現在通學文武生員共三百七十八名

廩膳 明初無考

國朝定制三十名每年共給廩糧銀一百二十兩膳夫二  
名給銀一十三兩三錢三分

貢額

國朝定制州學四年准貢三人恩拔在外

朔平府志

卷之四

建置學校

五十六

學田 共地九頃共收租穀市斗六石三斗

學庄 五處在左里郭家村 毛道村 神西村  
大坪村 石頭庄

社學 在文昌祠西 門外有舖房三間每年收租  
銀八兩並東關外地三十畝作社學館金

馬邑縣

廟制 在縣治西 元至元間建 明洪武十七年知縣  
李德正統間知縣張俊成化間知縣安和萬歷間

知縣趙承芳王日新相繼重修  
國朝康熙四十一年知縣秦擴訓導董命增修

正殿五間 東西廡各五間

大成門三間 外中泮 橋星門三間 外中照壁兩壁 暨  
池石橋 下馬牌

崇聖祠三間 知縣秦擴監生霍毓芳重建

名宦祠三間

在大成門外左

鄉賢祠三間

在大成門外右

忠義祠三間

節孝祠三間

在學前東 雍正八年知縣勞啓鏗奉文創建

文昌祠

一文廟西一在城東南角樓

魁星樓

在城櫓臺上

小學 儒學

明倫堂三間

文廟東

東西齋各五間

博文約禮

中奉

聖祖仁皇帝御製訓飭士子文碑

敬一亭三間

明倫堂後

中貯

明嘉靖箴銘等碑及各經書

教諭署

在明倫堂西

訓導署

在東齋後今廢

朔平府志

卷之四

建置學校

五十七

士額

明初無考

國朝定制歲考每案額進文武童生各八名科考文章如歲案無武童現在通學文武生員共二百四五十名

廩膳

明初定廩二十名月給米一石折銀一兩優免糧二石人二丁增數如廩無月米有優免附同

國朝定制二十名每年共給銀八十兩膳夫銀一十三兩三錢三分

貢額

國朝定制縣學二年准貢一人恩拔在外

學田

共地三頃四十七畝五分徵銀四兩一錢六分給散廩生貧生

社學

四處一在城內三官廟三俱在鄉

歸化城附

文廟

在城南雍正二年創建每歲春秋仲月上下本城都統率官致祭因未設學以四方士子至其地者

贊襄行禮

天降下民作之君作之師孔子祖述堯舜憲章文武  
刪詩書訂禮樂作春秋以師道而兼君道宜乎崇德  
褒功廟祀徧天下也漢唐而下歷代之君適魯行釋  
菜禮者史不一書明循前代之舊封大成至聖文宣  
王嘉靖九年從輔臣張璁議正祀典易像以主稱至  
聖先師廟曰文廟樂用宮懸舞用六佾亦云備矣迨  
我

朔平府志

卷之四

建置學校

五十八

國朝兩次

御製匾額

加封五代

欽定祭儀推崇表章復何以加於此哉

學者效也後覺者效先覺之所爲也校者教也以其  
所學修其道以教之也古人命名必有取義凡學之  
道嚴師爲難師嚴然後道尊道尊然後人知敬學君  
子知教之所由興然後可以爲人師師也者教之所  
由興也苟師不嚴則道不尊學不尊師則不重道而

欲相與以有成也難矣所賴學博弟子員顧名思義  
端先生之教謹弟子之學崇本抑末斂華就實相率  
而歸於正斯於師儒無愧矣

祠祀

周禮春官小宗伯禱祠於上下神祇史記封禪立時  
郊上帝諸神祠皆聚洪範八政三曰祀禮制祭祀法  
施於民以死勤事以勞定國能禦大菑捍大患凡有  
功德於民者皆祀之文廟道統所垂與學並建崇聖  
名宦鄉賢忠義節孝文昌魁星諸祠以類相附載入  
學校風雲雷雨山川社稷城隍祀典所載祈報在焉  
今上定制復於郡邑設先農壇

勅封正神關聖先世三代春秋致祭是皆禮以義起有關

朔平府志

卷之四

建置祠祀

六十

風化者也否則非鬼而祭總屬不經顧自漢唐以來  
三教並行寺觀且徧天下郡介邊方其俗尤盛然富  
民假此作福而窶人藉以養生所謂損有餘補不足  
無俟法令之驅而民自好行其德亦王政施仁之一

端歟

明洪武元年令郡縣訪求應祀神祇名山大川聖帝明  
王忠臣烈士凡有功於國惠及民者奏著祀典二  
年令有司祠祀典神祇其不在祀典而嘗有功德於  
民者卽不祭存其祠宇後定制府州縣近郊三壇南  
神祇壇歲仲春秋祀雲雨風雷之神境內山川之神  
城隍之神各少牢在省城者布政司官祭府不別祭  
縣附府者亦如之西社稷壇歲仲春秋上戊祀司社  
之神司稷之神各少牢北厲壇歲清明中元孟冬朔

日祭無祀鬼神羊三豕三飯米三石名宦鄉賢二祠  
附先師廟或別祀歲仲春秋祭用少牢嶽鎮海濱在  
境內者歲仲春秋別祭之用少牢古帝王陵寢忠臣  
烈士及吏有功德於民者各以時祭牧馬者祀馬神  
市鄉百姓又有鄉社鄉厲之祭若諸小鬼神祠有靈  
異者百姓各以其鄉俗賽禱官不禁也都司衛所凡  
守禦官歲霜降有旗纛廟之祭用少牢

### 國朝雍正四年八月初九日奉

### 上諭頒定天下地方守土官俱舉行耕藉禮

國以民爲本民以食爲天朕卽位以來念切民依舉行  
耕藉之禮殫竭精誠爲民祈穀於

上帝乃雍正二年三年藉田豐產嘉禾有至一莖九穗者朕  
心亦以爲偶然之事今據府尹劉於義進呈今歲藉田  
所產自一莖雙穗三穗以至八穗九穗皆碩大堅好異  
於常穀朕見之心甚慰悅特令宣示廷臣朕並非以此

### 朔平府志

### 卷之四

建置祠祀

六十一

爲祥瑞誇耀於衆也蓋實有見於天人感召之理捷於  
影響無纖毫之或爽朕以至誠肫懇之心每歲躬耕藉  
田以重農事卽蒙

上帝降鑿豐產嘉穀以昭休應似此八穗九穗之穀豈人力  
之所能強爲亦豈人君所能強之使有乎天人感應之  
理朕見之最真最切但恐此心不誠耳誠則未有不動  
者卽如從前青海蠢動朕爲邊陲憂慮虔禱於宮中不  
數旬而捷音卽至疆圉寧謐又如前歲夏間近畿雨澤  
稍愆朕在宮中默禱減膳修省虔誠叩懇不數日而甘  
霖大沛禾稼有秋此皆近年以來朕親行親驗之事至  
於去年夏秋之間時常陰雨而朕在宮中但覺雨水稍  
多不知其大爲民患而李維鈞並不將畿輔被潦實情  
具奏是以朕竟不聞知未曾早爲虔禱殫竭誠心以挽  
天意而舒民困及蔡珽署直隸總督事務詳細奏聞朕宵旰  
憂勤幾廢寢食於是截漕發倉多方賑濟京城設廠各  
邑興工俾窮民皆得餬口是以地方雖被水災而小民  
不致流離失所朕撫綏憫恤之念實爲迫切今歲二麥  
豐收禾黍暢茂此皆

上天俯鑒朕衷故加惠黎元而錫以盈寧之慶也蓋天生民而立之君鑒觀在上人君一念敬謹政事無闕天必嘉之佑之一念放逸政事有乖天必儆之戒之此一定之理也况人君撫馭臣庶位處極尊所以賞罰之者獨有上天耳是以朕每於水旱等事皆實心內省必係朕有過失上天儆戒示譴也至於各省旱澇之事朕皆視同一體原無彼此之別惟是地方相隔路遠彼地偶有水旱有司未必卽行具報及至奏達朕前而緊急之時已過是以朕無從盡其誠心爲之祈禱此其責則全在本省督撫矣督撫受朕委任之重爲朕養育萬民必視百姓之疾苦如痛癢之在己身一遇水旱饑饉必思所以致此之由或因本省之政事吏治有闕卽思速爲改易之或因本地之風俗人心不端卽思速爲化導之兢兢業業修省祈禱竭盡誠心一如朕之朝乾夕惕斷無不可以挽回天意者假若聞朕之政治稍有闕失亦卽直言陳奏不必隱諱如此則官與民聯爲一體臣與君又聯爲一體太和翔洽實意交孚天聽雖高誠呼吸可通矣朕每歲躬耕藉田並非崇尚虛文以爲觀美實是敬天勤民之至意

朔平府志

卷之四

建置祠祀

六十一

禮曰天子爲藉千畝諸侯百畝據此則耕藉之禮亦可通於臣下矣朕意欲令地方守土之官俱行耕藉之禮使之知稼穡之艱難悉農民之作苦量天時之晴雨察地力之肥磽如此則凡爲官者皆時存重農課稼之心則凡爲農者亦斷無苟安怠惰之習似與養民務本之道大有裨益着九卿詳議具奏特諭欽此九卿會議具題行文直隸各省督撫轉行各府州縣以雍正五年爲始於該管地方擇東郊潔地設立

先農壇壇後建正房三間中供先農神牌東存貯祭品農具西收貯籍田米穀配房各一間東置辦祭品西農民看守祭日每年頒歷後欽天監選擇頒行祭品照社稷壇制籍田四畝九分周圍築墻開門南向耕籍省城督撫秉耒知府播種知縣執青箱府城知府秉耒知縣播種佐貳執青箱縣則正印官秉耒佐貳執青箱播種耆老一人牽牛農夫二人扶犁俱照九卿例九推九返農夫終畝耕畢耆老農民望闕行禮載入會典昭垂永久

欽定社稷風雲雷雨山川城隍各壇安設位次及郡屬壇

祀典

社稷壇每歲春秋仲月上戊日祭稱府社之神府稷之神州縣各以次稱祭物羊一豕一帛一黑色劓一籩四棗栗鹽藁魚豆四葑菹醢醢菁菹鹿脯簋二黍稷簋二稻粱

風雲雷雨山川城隍之神共一壇每歲春秋仲月致祭神位風雲雷雨居中帛四風雲雷雨之神山川

居左帛二某府某州某縣境內山川之神城隍居右帛一以上俱白色某府某州某縣城隍之神祭物陳

設俱與社稷同郡屬壇每歲清明日七月十五日十月朔日祭無祀鬼

神於本城之北郊府州稱郡屬縣稱邑屬祭物羊三豕三飯米三石香燭酒紙隨用祭時有告城隍文

雍正五年

朔平府志

卷之四

建置祠祀

六十二

勅封正神關聖先世三代

曾祖光昭公 祖裕昌公 考成忠公公爵

凡府州縣於關聖廟後殿安設神牌其祭祠禮儀每年除五月十三日照常致祭外復照文廟崇聖祠例每年春秋致祭二次陳設禮制前殿犧牲牛一豕一羊一籩豆八帛一果品五盤後殿係公爵不用牛隻餘悉照前殿永為定制

府

攷祀典定制近郊三壇在府者府祭縣不別祭附郭不另置餘州縣如制山西各府俱開附郭首縣茲照例開入右玉縣

右玉縣

附郭

社稷壇

在城南門外道西雍正九年知府劉士銘捐俸改設碑記詳藝文



風雲雷雨壇 在城東門外風神臺

先農壇 在城東門外雍正六年知縣陳有年奉文創

郡厲壇 在城北門外

府城隍廟 在城西街

關聖廟 一在倉街一在鼓樓東大街一在鼓樓北大

關聖三代祠 在倉街關帝廟後雍正六年知府徐榮

火神廟 一在城東南隅一在城東門內雍正六年知

河神廟 在城西門外月城上雍正八年修城創建

馬王廟 一在縣衙一在南關

朔平府志

卷之四

建置祠祀

龍王廟 一在西甕城一在東門外一在南門外

元天上帝廟 在鼓樓東大街 將軍旗員在內

玉皇三清閣 在城鼓樓上 東嶽廟 在東甕城內

北嶽廟 在南關 五嶽廟 在南關

土地祠 在城隍廟內 藥王廟 在城東門內

瘟神廟 在城鼓樓西大街 岳武穆廟 在城東北

蘇武廟 在城北四十里 晏公廟 在城西南隅

三官廟 一在城東北隅 正武廟 一在城鄧家巷

三靈侯廟 一在城鼓樓北 天尊廟 在城東南隅

老君廟

在城西門內

觀音閣

在城東南隅

寶寧寺

在城鼓樓東大街本城文武官員在內朝賀

接引寺

在城倉街

十王寺

在城官亭街

白衣寺

在城糧府署西

護國寺

在城南關外

廣善寺

在城守備署東

三教寺

在城東門內

海藏寺

在城東學巷

藥師殿

在城西北隅

慈恩寺

在城東南隅

慈雲寺

在城西雷公山

清正寺

在城官亭街

朝陽菴

在城守備署西

其餘邊堡俱建城隍廟鄉村各有廟宇不及悉載

朔平府志

卷之四

建置祠祀

六十五

左雲縣

社稷壇

在縣南門外東南

風雲雷雨壇

在縣西門外

先農壇

在縣南門外東南雍正六年知縣蕭啟棟奉文創建

邑厲壇

在縣北門外東

城隍廟

在城東南街

關聖廟

三一在城南大街一在城西街一在南月城

關聖三代祠

在南大街關聖廟後

火神廟

在城北門內東

河神廟 在城外西北隅

馬王廟 在城東南街

龍王廟 三一在城東南街二在南北門外

正武廟 朝賀 在城東南街即鼎榆宮文武官員在內

東嶽廟 在城東南 北嶽廟 在城東南

土地祠 在城東南街 三官廟 在城東南街

靈官廟 在城西南街 安樂廟 在城東大街

瘟神廟 二一在城東南 財神廟 在城東北

魯班廟 在城東大街 八蜡廟 在城西門外

朔平府志

卷之四

建置祠祀

府君廟 在城東坡

十王廟 二一在城東南 一在城西南

聖母祠 二一在城東南 一在城東北

旌忠祠 在城南大街 詳下坊表

三清觀 在城東坡

圓覺寺 在城東南隅

楞嚴寺 在城東坡

千佛寺 在城南大街

清吉寺 在城西北隅

極樂寺 在城西南隅

大士庵 在城東北隅

圓通庵 在城東北

海潮庵 在城西北隅

觀音庵 五俱在城內

石佛寺 在縣雲岡堡東

其餘邊堡俱建城隍廟鄉村各有廟宇不及悉載

平魯縣

社稷壇 在縣南關外道西

風雲雷雨壇 在縣南關外北岳廟西

先農壇 在縣東門外道東雍正五年知縣王杜奉文  
創建七年知縣張有觀重修

邑厲壇 在縣西門外西北

城隍廟 在城鐘樓街東

關聖廟 二一在城北固山上 一在城西門內道南

關聖三代祠 在城北固山關聖廟左

火神廟 在城馬王廟西

朔平府志

卷之四

建置祠祀

馬王廟 在城北固山中

禹王廟 在南關城上

龍王廟 在城北固山上

東嶽廟 在城內東南山上 北嶽廟 在縣南門外北山上

蠡斯廟 在城東門內道北 財神廟 在城鐘樓街東

瘟神廟 在城西北隅 武廟 在城北固山中

土地祠 在城北固山下 三義祠 在南門月城上

玉皇廟 在城北固山上 元帝廟 在城北固山頂

三官廟 二一在城東門內 一在城東門內 三靈侯閣 在城大街道西

千佛寺

朝賀 在城北固山上 文武官員在內

彌陀寺

在縣南關道東 藥師殿 在南關彌陀寺前

觀音閣

在城西門內道北 觀音堂 在城北固山上

其餘邊堡俱建城隍廟鄉村各有廟宇不及悉載

### 朔州

社稷壇

在州西關

風雲雷雨壇

在州南關

先農壇

在州東關外雍正五年知州汪嗣聖奉文創建

郡厲壇

在州北關外

### 朔平府志

#### 卷之四

建置祠祀

六十八

城隍廟

在城西街州治南

關聖廟

二一在城東街一在城西街

關聖三代祠

在城東街關聖廟後

火神廟

在南門甕城

文昌閣

在城大街中

馬王廟

二一在東月城一在州東驛雍正七年知州汪嗣聖重修

龍王廟

三一在古城西北一在塔嵬山一在城南門內

五嶽廟

在州北門外

八蜡廟

在州西關外知州許爾忠修

三皇廟

在州南甕城

十王廟

在州東關

土地祠

在州治內

三義廟

在州西甕城

鄂國公廟 在城東街

玉皇廟 在城北街明宗廷屬建

三官廟 在城東關

正武廟 二一在州北甕城一在州北門外

三教廟 在州南關

海神廟 在城東南隅明宗樂昌王東濱修

魯班廟 在州北月城

朱衣閣 在城南街

玉泉觀 在州城東北三十里

崇福寺 在城東街即林衙古刹詳風景

護國寺 在州南關明崇正十一年建

興國寺 在州南關

龍泉寺 在城南門甘泉井前

觀音堂 在州南關

其餘鄉堡各有廟宇不及悉載

馬邑縣

朔平府志

卷之四

建置祠祀

社稷壇 在縣西門外

風雲雷雨壇 在縣南河岸

先農壇 在縣城外東郊雍正五年署縣袁大選奉文創建

邑厲壇 在縣城北

城隍廟 在城南街

關聖廟 在城東門內街西

關聖三代祠 在關聖廟內

馬王廟 二一在東門月城一在縣治內

龍王廟 在縣西關

北嶽廟 在縣東關

聖母廟 在城縣治西北

三大王廟

在縣北十里洪濤山下即桑乾河神按晉愍帝建興三年封代公拓跋猗盧為代王

至拓拔珪改國號魏相傳有拓跋公主飲金龍池水生三男其次者能伏桑乾之龍又能興雲雨弭

風雹水旱之災故建廟肖像而祀之祈禱屢應金

天會十三年縣令程舜卿勸民重修元時封王爵

曰廣濟曰溥濟曰洪濟大德三年加封廣濟曰靈

應廣濟王溥濟曰孚應溥濟王洪濟無所加故又

有雷震帝闕討封與祭之說相傳至今有司歲以

二月十八日致祭是日鄉民獻牲醴祭者多祈免

雹災云以上見馬邑志其元封制曰朔州桑乾河

源出雁門流通馬邑目擊靈貺合前聞名久著

於朔方神舉登於王爵令著不刊之典祭符咸秩

之文有感必通無德不報執法有褒崇之請奉常

據禮制而言廣濟王可加封協應廣濟王以上見

山西通志

鄂國公廟

在縣西北十一里司馬泊金龍池西岸規模壯麗碑碣題咏甲於一邑祀唐尉遲敬

朔平府志

卷之四

建置祠祀

德歲有司以九月十七日致祭

玉皇廟

在縣北城上

蒼山大王廟

在縣青塚村

正武廟

在縣西城櫓臺上

三官廟

在縣城南街

崇恩寺

在縣城北街

增福寺

在縣城東街

觀音閣

在縣中大街

白衣庵

在縣東北隅

其餘鄉堡各有廟宇不及悉載

歸化城

關聖廟

二一在城外小東街一在茶房

玉皇廟

在城外西南

三賢廟

即三義在城外南街

財神廟

在城外正南

十王廟

在城外西街

崇福寺

在城外東南一名小招  
康熙三十五年

聖祖仁皇帝西征凱旋駐蹕於此有御製碑四十二年  
賜喇嘛巴胡禿禿大紅羽緞掛一領黃蟒蝦袍掛二領

涼冠二頂珊瑚數珠一盤後又

賜藏經一部藥王經一部金字數珠一盤黃絲帶一條

帶扣荷包飄帶水晶靶小刀火鏹俱全金錢一刻壽  
比南山長命富貴銀錢一刻吉祥如意

御筆金書心經寶塔一軸上寫康熙庚寅三月十八日沐  
手敬書

延福寺

在城外正南一名舍利圖招  
康熙三十五年

聖祖仁皇帝西征凱旋有御製碑賜喇嘛唐供藏經一  
部藥王經一部珊瑚數珠一盤紅珠寶石

雍正四年

皇上賜數珠一盤

朔平府志

卷之四

建置祠祀

七十一

太平招

在城外正北雍  
正年間創建

無量寺

在城外西南一  
名大招

崇壽寺

在城外西街一  
名蓬松招

隆壽寺

在城外正南一  
名愛木氣招

白將軍生祠

在城外西南街康熙年間創建內有將  
軍及丹都統像碑記詳藝文

以上係歸化城外祠祀其餘鄉庄道路各有寺廟

不及悉載

易聖人以神道設教而天下服言聖人設教如天之

神道感應相與下觀而化也然神之爲道有以氣而

神者境內山川社稷之神載在祀典云祈報也有以

人而神者聰明正直之神家尸而戶祝聖人百世之



師是也至若二氏以空虛爲門寂滅爲教自與人無與也乃強兵悍卒過寺廟而頂禮貪人鄙夫捨僧道而不吝則因果之說中之禍福之於人甚矣哉夫所惡于異端者爲其挾妖術以惑世誣民如白蓮無爲糍團等教號召徒衆夜聚曉散大則乘機倡亂職爲厲階小則男女混雜有傷風化故爲王政所必誅若夫琳宮梵宇暮鼓晨鐘羽士緇流誦經禮斗猶之儒家讀書作文爲二六時中之功課耳且以韓昌黎衛道之嚴而在潮州與僧大顛往來他如柳柳州之於

浩初歐陽公之於秘演蘇子瞻之於參寥子辨才佛印往往見于詩文爲古今佳話必欲執祀典與世俗爭使世無寺觀則地方亦覺闡淡無色而人無方外則吾儒亦無陶情適性之侶矣故分別前後以俟有識者論定焉

倉庫

嘗考周禮倉人掌粟入之藏辨九穀之物以待邦用廩人掌九穀之數以待國之匪頒且有外府以掌邦布之出入泉府以掌市之征布倉廩府庫自古綦重  
今  
天子軫念民依申令積貯他若錢糧官物動關  
國帑蓋藏宜謹况朔平郡縣新設規制尤當詳備茲則  
無者創之壞者葺之少者增之度米穀財物各有專  
寄不特可以備旱潦戒不虞卽

朔平府志

卷之四

建置倉庫

七十三

國計民生於是乎重有賴矣

府

府庫

在府堂東

常盈庫

在糧餉廳堂東

常豐倉

在府治西

常豐新倉

在城西門內路北糧餉同

知塞克圖奉文領藩庫  
金委經歷司周成監造

殺虎口倉

在殺虎堡內東北

歸化城倉

在歸化城內

湖灘河倉

在口外湖灘河

右玉縣

附郭

縣庫

在縣堂東

廣足倉

在府倉東

廣備倉

在威遠城內東南

左雲縣

縣庫 在縣堂東

廣充倉 在縣治東北

義倉 在舊道署東今廢

平魯縣

縣庫 在縣堂東

縣倉 在城內東北

朔州

州庫 在州堂東西

永豐倉 在州舊治西北

預備倉 在州舊治內今廢

常平倉 在州舊治內今廢

馬邑縣

朔平府志

卷之四

建置倉庫

七十四

縣庫 在縣堂東

軍儲倉 在縣治東北原係所倉今改縣倉

預備倉 在縣治儀門東今廢

郵政

天地於人本無異視自人之氣數不齊而造物亦無如何惟聖人能類萬物之情以平天地之憾故治岐之政必先無告澤及枯骨而六州歸化得是道也我朝定鼎以來深仁厚澤淪浹寰區已無一夫不獲

皇上御極之二年更諄諄以設普濟育嬰等堂爲念所以恤鰥寡哀煢獨者至矣

詔下有司率土遵行朔平新設之郡制度伊始敢不竭蹶作倡以廣

朔平府志

卷之四

建置郵政

七十五

皇仁繼自今邊徼窮黎老疾有依孤獨得所則天地之憾平而

聖天子德澤斯無遠勿届矣凡有一州一邑之寄者父母斯民矜恤之念其可忽諸

雍正二年閏四月初十日

上諭諭順天府尹等

京師廣寧門外向有普濟堂凡老疾無依之人每棲息於此司其事者樂善不倦殊爲可嘉

聖祖仁皇帝曾賜額立碑以旌好義爾等均有地方之責宜時加獎勵鼓舞之但年力尚壯及游手好閒之人不得借名混入其中以長浮惰而生事端又聞廣渠門內有育嬰堂一區凡孩穉之不能育養者收留於此數十年

來成立者頗衆夫養少存孤載於月令與扶哀恤老同  
一善舉爲世俗之所難朕心嘉悅特頒扁額並賜白金  
爾等其宣示朕懷並倡率資助使之益加鼓勵再行文  
各省督撫轉飭有司勸募好善之人於通都大邑人煙  
稠集之處若可以照京師例權巧行之其於字弱恤孤  
之道似有裨益而凡人悚惕慚隱之心亦可感發而興  
起也特諭欽此

### 右玉縣

附郭

### 普濟堂

在郡城南門外 雍正九年知府劉士銘捐  
俸建造碑記詳藝文

### 義塚

在郡城北門外  
有碑記

### 漏澤園

在威遠城東門  
外

### 左雲縣

### 義塚

在縣西門外

## 朔平府志

### 卷之四

建置郵政

七十六

### 平魯縣

### 普濟堂

在縣南關內雍正五年知縣王杜捐俸建造

### 育嬰堂

在縣南街觀音  
堂西

### 義塚

一在縣東門外  
一在縣西門外

### 朔州

### 普濟堂

在州城北門內雍正三年知州蔣深捐俸建  
造

### 育嬰堂

在州城東街雍正三年知州蔣深捐俸建造

### 養濟院

在州治東雍正八年知州汪嗣聖捐俸建造

### 漏澤園

一在州東門外 一在州北門外

### 嬰兒塚

在州西門外雍正八年知府劉士銘捐俸建  
立

馬邑縣

義

塚

在縣西門外雍正九年知縣勞啟鏗建立有碑記

朔平府志

卷之四

建置郵政

七十七

驛站

舖遞附

朔平當邊塞之衝北蕃

朝貢取道於此者居多無論軍興旁午羽檄交馳屣履

告煩卽清晏承休而皇華輶節星飛雲邁守土者亦

以供億爲艱幸

廟堂屢加軫念申禁騷擾乘傳使客自無復有干

功令者矣然葺館舍以戒行李飭圍隸以慎芻秣斯又

地方有司所宜加意者昔孟氏有言曰速於置郵而

傳命蓋置與郵殆傳命之不可偏廢者歟故志驛站

朔平府志

卷之四

建置驛站

七十八

卽以舖遞附于後云

康熙三十一年奉裁殺虎口站馬奏議

兵部職方清吏司案呈奉本部送本部尚書索疏  
稱直隸昌平州驛站居庸驛站榆林驛站土木驛站  
鷄鳴驛站宣府驛站萬全左衛驛站懷安城驛站山  
西天城驛站陽和城驛站聚樂城驛站大同府驛站  
高山城驛站左衛驛站右衛驛站殺虎口驛站肥好  
馬匹甚少脰平常瘦馬居多內亦有缺額馬匹此等  
十六站各官交與吏兵二部將驛站專管官統轄官  
各職名查取嚴加議處又右衛離殺虎口僅十七里  
出殺虎口邊牆有蒙古八十家驛站其間甚近應將  
殺虎口馬四十四匹撤去漆馬十匹入於右衛驛站四  
十四匹內湊爲五十四匹其餘六站各添五匹湊爲  
五十五匹等因具

題奉  
旨交與兵部議將殺虎口驛站馬四十匹撤去漆馬十四匹

入於右衛驛站其餘六站各添五匹等因查殺虎口

等站近經理藩院會同兵部具

題停其口上章京守備把總等管理令管理蒙古驛站

員外郎等管理在案今兵部尚書索既稱大同右

衛離殺虎口僅十七里殺虎口邊牆有蒙古八十家

驛站其間甚近將殺虎口站馬四十匹撤去增添右

衛等站等語應照所奏將殺虎口驛站馬四十匹撤

去除天城陽和大同前衛原有站馬五十匹應無庸

議外其聚樂城高山城左衛右衛等四站止有站馬

四十匹應將裁撤馬四十匹撥給各十匹湊為五十

匹可也嗣準晉撫噶大總兵官康咨稱殺虎口

站馬四十匹內該站額馬止十二匹其餘馬二十八

匹係威遠井坪平魯三站撥協雖在殺虎口行差而

乾銀仍在原站造支今奉文將馬匹添入聚樂高山

左衛右衛四站乾銀於領馬之日歸入各站新收威

遠井坪平魯三站於康熙三十二年十二月二十三

日住支再殺虎口額馬十二匹係動支驛站錢糧原

非兵馬冊內奏報今既改入聚樂等站其馬匹所支

朔平府志

卷之四

建置驛站

錢糧請歸於兵馬冊內一例造報等情將各站分領

馬匹毛齒起支乾銀月日造冊咨送前來查殺虎口

站馬四十四匹既經裁撤添入聚樂等四站其乾銀應

令聚樂等站起支威遠等站住支俱造入該年兵馬

奏銷冊內查核仍行該撫鎮并戶部知照可也

雍正五年九月歸併驛站夫馬咨議

戶部山西清吏司案呈先准護晉撫高成齡咨稱軍

邊各站夫馬工料改照驛站衝僻支給具

題奉部覆允但十軍站之聚樂高山左衛右衛四站

前議止將現存在站夫馬

題達其抽撥殺虎口站馬共四十四匹夫二十名未經詳

議在內今比照前議衝僻之例夫馬共節省銀一百

一十兩四錢米一十八石等因本部以十軍站議歸

站馬站夫係兵部議覆之案今聚樂等四站抽撥殺

虎口夫馬之處應咨兵部查議去後今准兵部咨稱

聚樂高山左衛右衛四站共抽撥殺虎口馬四十匹



夫二十名比照前議衝僻之例節省銀一百一十兩  
四錢米一十八石行令該撫將節省銀米移交藩庫  
充餉至站軍既照衝驛支給銀兩所有抵兌月米地  
畝應招民承種及應徵糧數目行令該撫報明戶  
部在案應將原咨冊仍送戶部等因前來查兵部既  
稱節省銀米移交藩庫充餉至站軍抵兌月米地畝  
應招民承種行令該撫報明戶部在案等語相應行  
令該護撫將前項節省銀米併招民承種地畝以及  
應徵銀兩各數逐一明晰造冊報部查核可也為此  
合咨前去查照施行

### 右玉縣

附郭

### 右玉站驛馬六十匹

每匹日支銀六分六厘五毫每年  
額支草料銀一千四百三十六兩  
四錢小建計日扣除遇閏歲支銀一千五百五十  
六兩一錢

### 馬夫三十名

每名日支銀三分五厘每年額支工食  
銀三百七十八兩小建計日扣除遇閏

## 朔平府志

### 卷之四

建置驛站

八十

歲支銀四百九兩五錢

### 廠夫二十名

每名日支銀二分七厘七毫一絲零每  
年額支工食銀一百九十九兩五錢一  
分六厘零小建計日扣除遇閏歲支銀二百一十  
六兩一錢四分三厘零

### 威遠站驛馬三十六匹

每匹日支銀六分每年額支草  
料銀七百七十七兩六錢小建  
計日扣除遇閏歲支銀八百四十二兩四錢

### 馬夫一十八名

每名日支銀三分每年額支工食銀  
一百九十四兩四錢小建計日扣除  
遇閏歲支銀二百一十兩六錢

### 舊有廠夫二十名

雍正十年六月奉文為敬陳管見仰祈

睿鑒等事案內查朔平府屬威遠平魯井坪三站各額設  
廠夫二十名經 撫都院覺羅石麟具

題 兵部議覆實屬僻路近無差使相應全裁設遇有  
勘合差使經由地方臨時僱覓按季造冊報銷

按右玉縣驛馬內有派撥 將軍府馳送公文事件  
馬一十二匹係康熙五十五年四月 前撫都院蘇  
克濟准 兵部咨准 前建威將軍費揚古咨請添  
設站馬馳送本衙門事件經前糧驛道金秉倫詳調  
應州馬六匹蔚州馬六匹共馬一十二匹隨夫六名

朔平府志

卷之四

建置驛站

八十一

前赴右衛交衛守備管理聽差至雍正六年七月蔚  
州改歸直隸宣化驛站夫馬隨州歸併更將威遠站  
馬三匹平魯站馬三匹替回蔚州之馬仍同應州原  
撥馬六匹赴衛供差經 撫都院覺羅石麟咨 部  
在案又於雍正六年七月應州詳請撤回原撥之馬  
後將山陰縣山陰驛額設馬內調撥六匹補數應差  
嗣因雍正七年七月於敬陳末議等事案內議將各  
營軍站馬匹改歸州縣管理右玉縣現歸併右衛站  
馬六十匹夫三十名應將威遠站馬三匹平魯站馬

三匹并山陰驛馬六匹及隨夫六名概行撤回統於  
右玉縣所管站馬六十匹夫三十名內撥馬十二匹  
夫六名就近馳送將軍府公文事件復經 糧驛道  
孟孫繩詳 院咨 部飭撥遵行即於雍正八年十  
月十七日呈詳 將軍衙門備案此調撥右玉驛馬  
之始末也附錄備考

舖遞

本縣額設九舖舖兵一十八名每名歲支工食銀六  
兩六錢四分四厘零共額支工食銀一百一十九兩

朔平府志

卷之四

建置驛站

八十二

六錢

總舖

在本城

東路

自本城總舖起至

紅土舖

一十五里至

黃土舖

一十五里至

牛心舖

一十五里至

雲陽舖

一十五里交左雲縣界止

南路

自本城總舖起至

新廟舖

一十五里至

雙河屯舖

二十里至

威遠舖

一十里至

威平舖

二十里交平魯縣界三層洞舖止

左雲縣

左雲站驛馬六十匹

每匹日支銀六分六厘五毫每年額支草料銀一千四百三十六兩

四錢小建計日扣除遇閏歲支銀一千五百五十六兩一錢

馬夫三十名

每名日支銀三分五厘每年額支工食銀三百七十八兩小建計日扣除遇閏

歲支銀四百九兩五錢

廠夫二十名

每名日支銀二分七厘七毫一絲零每年額支工食銀一百九十九兩五錢一

分六厘零小建計日扣除遇閏歲支銀二百一十六兩一錢四分三厘零

高山站驛馬六十匹

每匹日支銀六分六厘五毫每年額支草料銀一千四百三十六兩

四錢小建計日扣除遇閏歲支銀一千五百五十六兩一錢

馬夫三十名

每名日支銀三分五厘每年額支工食銀三百七十八兩小建計日扣除遇閏

歲支銀四百九兩五錢

廠夫二十名

每名日支銀二分七厘七毫一絲零每年額支工食銀一百九十九兩五錢一

朔平府志

卷之四

建置驛站

分六厘零小建計日扣除遇閏歲支銀二百一十六兩一錢四分三厘零

鋪遞

本縣額設四鋪鋪兵一十名每名歲支工食銀三兩

八錢二分共額支工食銀三十八兩二錢

雍正十年三月奉文為請

旨事案內查朔平府屬左雲縣額設鋪司兵十名每名每

年止給工食銀三兩八錢二分經撫都院覺羅石

麟具題兵部議覆照經制每名每年給銀六兩

除額給工食外每季添給工食銀五錢四分五厘

總舖 在縣城

東路 自本城總舖起至雲西舖三十里至高山舖三十里至

雲岡舖 三十里至大同縣界止

平魯縣

平魯站驛馬三十五匹 每匹日支銀六分每年額支草料銀七百五十六兩小建計日

扣除遇閏歲支銀八百一十九兩

馬夫一十七名 每名日支銀三分每年額支工食銀一百八十三兩六錢小建計日扣除

遇閏歲支銀一百九十八兩九錢

舊有廠夫二十名

朔平府志

卷之四

建置驛站

八十四

雍正十年六月奉文與威遠井坪三站並裁

井坪站驛馬二十一匹 每匹日支銀六分每年額支草料銀四百五十三兩六錢小建

計日扣除遇閏歲支銀四百九十一兩四錢

馬夫一十名 每名日支銀三分每年額支工食銀一百八兩小建計日扣除遇閏歲支銀一

百一十七兩

舊有廠夫二十名

雍正十年六月奉文與平魯威遠三站並裁

按右玉左雲平魯三縣驛站馬匹人夫向係軍站各

營管理供差至雍正七年七月山西提督袁立相於

敬陳未議等事案內 奏請將各營軍站歸併州縣  
管理 題准遵行其工料銀兩另由糧驛道報銷故  
不載入各縣賦役志內

### 舖遞

本縣原額設五舖舖兵一十名每名歲支工食銀三  
兩八錢二分共額支工食銀三十八兩二錢雍正八  
年間因舖舍道里遠近不齊舖兵勞逸不均酌添三  
舖舖兵六名每名歲給工食銀五兩共給工食銀三  
十兩

### 朔平府志

#### 卷之四

建置驛站

八十五

雍正十年三月奉文爲請

旨事案內查朔平府屬平魯縣額設舖司兵十名每名每  
年止給工食銀三兩八錢二分經 撫都院覺羅石  
麟具 題 兵部議覆照經制每名每年給銀六兩  
除額給工食外每季添給工食銀五錢四分五厘

### 總舖

在縣城

南路 自本城總舖起至 交澗舖 三十五里至 井坪舖 二十里至朔州界止

西路 自本城總舖起至 橋溝梁舖 四十里至 偏關界止

東北路 自本城總舖起至 三層洞舖 二十里至右玉縣界止

新添南路 自本城總舖起至 大露庄舖 二十里至交澗舖一

王茅窑舖 一十里至井坪舖一

新添東北路 自本城總舖起至 朔州嶺舖 一十里至三層洞

縣界止

### 朔州

城東驛舊設驛馬三十一匹於順治十五年奉裁後於

康熙四十九年十二月於詳請量減北路塘馬移可

緩以濟急用等事案內復設

州城腰站馬三十匹 每匹日支銀六分每年額支草料銀六百四十八兩小建計日扣除

### 朔平府志

#### 卷之四

建置驛站

遇閏歲支銀七百二兩

馬夫一十五名 每名日支銀三分每年額支工食銀一百六十二兩小建計日扣除遇閏

歲支銀一百七十五兩五錢

青圪塔腰站馬二十四匹 每匹日支銀六分每年額支草料銀四百三十二兩小建計日

扣除遇閏歲支銀四百六十八兩

馬夫一十名 每名日支銀三分每年額支工食銀一百八兩小建計日扣除遇閏歲支銀一

百一十七兩

按州城站馬三十匹夫一十五名係臨汾汾西靈石

曲沃崞縣汾陽六縣抽調移撥青圪塔站馬二十四匹

夫一十名係徐溝洪洞廣靈岢嵐四州縣抽調移撥其兩站夫馬工料銀兩朔州按季支領仍於各該州縣驛站項下報銷故不載入朔州賦役志內

排夫二十名 每名歲支銀九兩九錢六分六厘零共額支工食銀一百九十九兩三錢三分

三厘零

### 舖遞

本州額設四舖舖兵八名每名歲支工食銀六兩五錢七分五厘共額支工食銀五十二兩六錢

總舖 在州城

### 朔平府志

### 卷之四

建置驛站

八十七

東路 自本城總舖起至 烟墩村舖 二十五里東至馬邑縣界

南路 自本城總舖起至 前寨村舖 二十里南至陽方口寧武縣界三十五里

北路 自本城總舖起至 劉家口舖 二十五里西北至平魯縣界六十里

### 馬邑縣

### 廣武驛驛馬三十四匹

每匹日支銀三分五厘六毫每年額支草料銀四百三十五兩

七錢四分四厘小建計日扣除遇閏歲支銀四百七十二兩五分六厘

馬夫一十七名 每名日支銀三分每年額支工食銀一百八十三兩六錢小建計日扣除

遇閏歲支銀一百九十八兩九錢

康熙三十六年因口外安設塘報本縣馬匹不敷奉



補遺

徵久送遲板刻 完另頁附載後碑記同此

殺虎口蒙古驛站

內外共二十二站係 內部員督理其官員夫馬悉照所開原稿登記

口內一站

督理驛傳部郎一員 筆帖式一員

驛馬四十疋 馬夫二十名

口外十一站

八十家站 二十家站 薩里沁站

歸化城站 以上四站俱設

佐領一員 驍騎校一員 馬夫四十八名

朔平府志

卷之四

建置驛站

重八十八

驛馬五十疋 協濟馬十疋

兜爾格站 官員夫馬與上四站同無協濟馬

東蘇海站 濟格思忒站 巴顏布拉克站

阿魯烏爾圖站 巴爾蘇海站

察漢查達海站 以上六站俱設

驍騎校一員 馬夫四十九名

驛馬五十疋

文調撥大同縣馬六匹夫三名歸入本驛支應每年  
於大同縣驛站項下撥給本縣銀一百六十兩二錢  
後於康熙四十三年七月奉文此項夫馬舊係協濟  
山陰者仍撥協山陰縣訖

額設官支銀二十六兩三分二厘奉部領勘合火牌者支銷

排夫二十名每名歲支銀六兩六錢二分三厘零共額支工食銀一百三十二兩四錢六分

一厘零

### 舖遞

本縣額設九舖舖兵十名每名歲支工食銀六兩二

## 朔平府志

### 卷之四

建置驛站

八十八

錢共額支工食銀六十二兩

總舖 在縣城

東路 自本城總舖起至 三家店舖 一里至 羅家瞳舖 二十里至

家窟舖界止

南路 自本城總舖起至 十里后舖 一里至 里仁舖 三十里至 廣武舖

一十里至代州北腰舖界止

西路 自本城總舖起至 十里舖 一里至 朱家舖 一十里至朔州界止

東南路 自本城總舖起至 察罕舖 四十里至山陰縣張家舖界止

坊表

牌樓 附

古之有德者言可為坊行可為表坊方也表標也邑有名賢即其所居之方標名於榜表厥宅里以寵異之而坊表有自來矣是以裴晉公有碎錦之坊富鄭公有遺直之坊而雲臺華柱超出風塵之表也郡之五屬介在邊方文學足徵武功尤著忠孝節烈亦復不少至神祠以顯威靈公署以肅體統崇德褒功為龍為光均為地方生色爰訪前徽兼考實跡見存者詳載於前已廢者附紀於後庶幾不没人善之意云

朔平府志

卷之四

建置坊表

八十九

右玉縣

附郭

鼓樓

在城大街正中明時創建  
國朝將軍費揚古重修

四牌坊

在城鼓樓大街東和陽南永泰西武定北鎮朔

忠義坊

在城南門內明嘉靖間奉旨創建

宣威

定遠

二坊

將軍轅門

屏翰

藩宣

二坊

府治柵門雍正九年知府劉士銘創建

分符裕國

足食經邦

二坊

糧府柵門

城隍廟坊

在本廟前

戴恩坊

在北門內  
國朝將軍費公遺愛今廢

文廟坊二 在城東街文廟前東德配天地刪述六經  
西道剋古今垂憲萬世

文昌坊 在城西北本祠巷口

關聖坊二 在城東街本廟前東默佑皇圖顯扶漢室  
西忠義彌天威靈震世

馬王坊 在南關廟前勇冠軍威

北極佑聖坊 在城東街元帝廟前

寶寧寺坊 在城東街本寺前

都督節制三鎮坊 在南街西巷口明嘉靖大同總兵  
李瑾

兄弟名帥坊 明萬歷總兵麻錦麻貴

都督坊 明萬歷總兵麻貴

朔平府志

卷之四

建置坊表

四代一品坊 明萬歷總兵麻全麻政麻祿麻貴

勅賜坊 明天啟總兵麻承宗

忠節雙全坊 明天啟總兵麻承恩

五代一品坊 明萬歷天啟總兵麻全麻政麻祿麻貴  
麻承宗 國朝鎮江總兵麻振揚改造

鎮海元戎坊

鎮海元戎坊 國朝順治鎮江總兵麻振揚即五代一  
品坊改造

貞節坊 明威遠孫可學妻唐氏

以上俱存

進士坊二 一明正德丁丑麻璋  
一萬歷辛丑何廷魁

經元坊 明嘉靖辛卯 父子元戎坊 明萬歷總兵  
舉人楊仁 麻政麻祿

鞏固晉藩坊

在南門外石橋南

以上俱廢

左雲縣

鼓樓

在城大街正中東輝聯奎壁南日近長安西雄峙崆峒北風清沙漠

鐘樓

在城大街西

太平樓

在城北大街北微垣拱極南雄鎮樓煩

聚奎樓

在城南大街東壁聚圖南離明南嚮西西方昌運北列星北拱

藏經閣

在城東坡

欵塞坊

在城北門內

閱武坊

在城南門內

朔平府志

卷之四

建置坊表

九十一

雲西雄鎮坊

在城南門外橋南

文廟坊二

在城西街文廟前左天地配右帝王師

文昌坊二

在本祠前翊贊文明後麟郊鳳藪

關聖坊六

三在南街威震華燹雄增地險攝天驕二在西街正氣凌霄丹心貫日一在南月

城萬古英雄

控弦十萬坊

在演武廳前

城隍坊二

在廟前左靈顯忠佑右神鑒幽明

鼎榆宮坊二

在城東南街正武廟前左日精右月華

宰朔坊

在城東南街北嶽廟前

穹窿眞境坊 在城東坡三清觀前

神遊八極坊 在東街安樂廟前

旌忠祠坊 在城南大街本祠前總兵曹文詔

世科名帥坊 明總兵陳震子陳國策

京貴元戎坊 明總兵畢應武

明廷清秩坊 明鴻臚序班王繼志

天寵褒嘉坊 明通判王繼孝

分符裕國雲西保障二坊 在同知署前

節婦坊二 一明指揮范安妾楊氏 一明王宗伊妻鄭氏 以上俱存

朔平府志

卷之四

建置坊表

九十二

進士坊三 琳一明方銓一明張經魁坊 明舉人張琳

明舉人舉人坊二 一明侯爵塞北巖城坊 北門外西疇

坊西門解阜坊 南門外提衡八路協鎮三雲二坊 副將署前

飭武籌邊二坊 道署前細柳英威坊 教場前靖氛漠北古

白羊城二坊 同知署前世科坊 明舉人蕭節婦坊二 一明

高妻一明指峻節凌霜坊 明指揮王耀武妻邱氏 揮張璽妻 以上俱廢

平魯縣

鐘樓 在北街中

四牌坊 在大街正中東東護神京西西瞻汾秀南南 通全晉北北鎮天山

文廟坊

在文廟前左德配天地右道冠古今

佑文坊

在城東街文昌祠前

兵備道坊

在城西大街道署前

雲中良將坊

在南大街明大同總兵劉漢

畿輔元戎坊

在南大街明昌平總兵計輔

武進士坊

在東大街明進士蕭鈇

三門坊

在三門內東中外雄鎮西鎖鑰封疆南薰風  
時來  
以上俱存

朔州

鼓樓

在城西街

朔平府志

卷之四

建置坊表

九十三

鐘樓

在城北街東凝旭西流丹南雲麗北垂虹

文廟坊

在文廟前東德配天地西道冠古今

文燦三垣坊

在文昌祠前

天聖坊

在文昌祠內

關帝廟坊

在城東街左高明配天右博厚配地中威  
震華夏

元帝坊

在本廟前

城隍廟坊

在城西街本廟前左主典幽明右鑒察善  
惡中聰明正直

五嶽廟坊

在本廟前左奠安社稷右護佑生民

騰蛟起鳳坊

在文廟東

宏開雲路坊 在文廟南

再造天衢坊 在文廟巷口

古鄴陽郡坊 在舊州治前

冀北干城坊 在城守備署前

進士坊 明成化戊戌丁紳宏治壬戌訾綬正德甲戌  
盧問之鄭本公

文魁坊 明隆慶庚午王溥  
國朝順治丙戌王人麟本宅門

冀北文魁坊 明宣德乙卯劉譽成化辛卯康恭成化  
癸卯鄭玉正德丁卯康宣

天語褒崇坊 明歲貢平涼通判周維新

繡衣坊二 明正德御史盧問之鄭本公

朔平府志

卷之四

建置坊表

九十四

世科坊 明成化癸卯盧鼎正德庚午盧學之甲戌盧  
問之萬歷丙辰盧時泰崇正丙子盧時育

飛黃騰踏黃堂聽政坊 明成化丁酉孟周

奕葉重光坊 明成化戊子閻茂隆庚午閻汝坤萬  
歷中城兵馬司指揮閻汝和 國朝雍

正巳酉舉人閻式復

父子給諫坊 明誥封給事盧淳盧時泰

黃甲蜚聲坊 明萬歷丙辰盧時泰

榮膺天寵世沐恩綸坊 明誥封朱玉梁歲貢兗州通  
判朱方興

一代名甲坊 國朝順治丙戌解元才

兩世司農坊 國朝順治誥封戶部解震解元才



孝行坊 明雷順

節義坊 國朝雍正五年知州汪嗣聖創建將本州前後節婦俱書於上

貞節坊三高氏 明雷頤妻 錢氏 明千戶董儀妻宏治七年建西街

孟氏 衛籍馬呈池妻 國朝順治十二年建中大街

文魁坊 明正統丁卯薛端成化癸卯鄭玉郝紀嘉靖丁酉劉雲鴻 以上俱存

黃堂聽政坊 明成化癸卯楊捷 喬梓傳芳絲綸寵錫坊 萬曆乙卯

孫日嚴萬歷甲午孫柏 郎官坊 明嘉靖戊子 經魁坊 明嘉靖壬午苗汝霖

司馬坊 苗汝霖東街 登俊坊 明成化丙午 扶搖萬里坊 明景

泰庚午王清 光裕坊 苗汝登 賓賢坊 明成化癸卯韓震 昂霄坊 明天

朔平府志

卷之四

建置坊表

九十五

卯李 登雲坊 明成化乙酉張洵

貞節坊二李氏 王幹妻明正統十四年建 徐氏 王國臣妻明代建

貞節坊八劉氏 賈賢妻元至正間建 董氏 指揮方諒妻明成化十年建 趙氏

李通妻明成化二十三年建 王氏 總旗劉勝妻明宏治五年建 李氏 鄭漢妻明代建

張氏 舍人李宣妻明代建 董氏 武敏妻明代建 蔚氏 牛茂妻明代建 廢

馬邑縣

古寰州坊 在縣治前

肅寮貞度坊 在察院東

進士坊三 一明成化甲辰科田彭一宏治戊辰科武文一正德辛巳科焦昇

月桂坊

明成化庚子科田彭

雲程坊

明成化丙午科陳憲

經元坊

明宏治甲子科武文

亞魁坊

明嘉靖戊子科張元相

奕世烏臺坊

明江西道監察御史霍鏐

貞節坊二

一 生員元天瑞妻張氏 一 廩生霍鉉妻王氏 以上俱存

龍章世錫坊

明臨洮府同知霍錢今廢

歸化城

文廟坊

東德配天地西道冠古今

朔平府志

卷之四

建置坊表

九十六

關聖坊

在城南廟前

人生有涯不朽惟名坊以表名正以表實實者名之所由著也人必有千載不朽之實而後有千載不朽之名忠臣義士孝子節婦人道之大無以踰此至若立大功建偉業擢巍科歷顯仕均稱地方賢豪人已往矣名將焉附然人傑地靈地以人重人以名傳表死者於前正以勵生者於後我

皇上崇尚名節振興文教

特諭郡邑長吏博採忠義建坊旌表以宏獎勵無非為世

道人心計也有志者其共勉之哉

朔平府志

卷之四

建置坊表

九十七

橋梁

周禮夏官司險掌九州之圖周知山林川澤之阻而達其道路註司險主山谿之險山林之阻則開鑿之川澤之阻則橋梁之使道路通達也郡屬山國雖無大澤巨浸江河天塹而夏雨時行秋水暴漲溝澮皆盈澗溪時阻既無舟楫可通勢難飛越行路者有望洋思濟之嘆至若冬冰未堅春凌初解臨深履薄流澌坎陷溺馬覆車往往有之亦可謂邊境之畏途矣然則九月除道十月成梁橫波截流民未病涉正自不可忽也爰考其地詳著於篇以為王政之一端

朔平府志

卷之四

建置橋梁

右玉縣

石橋二

一在城南門內一在城南門外

木橋二

一在城南門外南大河一在城西門外西大河

馬營河橋

在城北馬營河以上俱係木橋冬設春撤

廣義橋

在縣殺虎堡南門外

三邊橋

在縣殺虎堡南五里順治間創建康熙間重修碑記詳藝文

二道溝橋

在城北門外十二里雍正元年新建碑記詳藝文

萬全河橋

在縣殺虎堡西一里兔毛河上東西長五丈中設甕門九窰十八洞兩橋頭各建磚

樓一座神祠三間明萬曆間重修今半衝圮

寡婦橋二

一在縣殺虎堡南六里 一在縣牛心堡西康熙二十一年寡婦田氏創建

牛心堡石橋

在縣牛心堡西新建

三岔溝石橋

陡溝橋

在縣牛心堡西康熙元年劉應詔創建碑記詳藝文

左雲縣

石橋

在縣南門外數武

木橋

在縣西門外河冬設春撤木植茶房僧人掌管

三台橋

在縣高山堡西五里

朔平府志

卷之四

建置橋梁

九十九

平魯縣

太平橋

在城西門內濶道明宏治間指揮燕瑛建設五橋今存其一康熙間叅將魯璵舖石重修

普濟橋

在縣井坪城南門外

朔州

木橋三

一在州南門外二里恢河一在州北七里岍一在州東七里河今廢時設木橋宋朱弁有記

利涉橋

在州東七里河今廢時設木橋宋朱弁有記

馬邑縣

桑乾河橋

在縣西門外桑乾河邑人張志詠募建碑記詳藝文

恢河橋

在縣東南四十里恢河康熙三十七年介休商人郝光辰邑民鄧英張有福等創建

洪濟橋

見通志今廢

黃水河橋

滋潤河橋

霍家營橋

以上三橋冬設春撤鄉人募修

歸化城

黑河橋

在城南三十里黑河

洪津橋

在城西南四十里

石橋三

一在城外西北一在城北門外一在城西南

小黑河橋

在城外西南

天下之水一也而南北分焉小大又分焉南澤國也利用舟楫北山國也利用橋梁然水之大者橋梁不

朔平府志

卷之四

建置橋梁

一百

可施水之小者舟楫不能行故南方亦有橋梁北方亦有舟楫均所以濟不通也而橋與梁亦有分架木爲橋累石爲梁或謂之猗或謂之圯大者應星似虹有架海浮雲之號小而至於獨木之樁有渡約畧約之稱其名雖異其義則同題柱昇仙遠遊萬里人且與地而俱傳矣今郡桑乾之水免毛之河邊方之要津也官斯地者能如王刺史之積粟治橋何古今人不相若哉

陵墓

易古之葬者厚衣之以薪葬之中野不封不樹其制甚簡後世聖人易之以棺槨取諸大過卽比化者無使土親膚之意從其厚也然其制不同其名各異曰陵曰園曰寢曰塚貴者之葬也若墳若塋若墓則士庶亦有分焉天下侯王君公至於富室巨族衆矣當時則榮歿則已焉問若堂若坊猶有存焉者乎卽翁仲華表亦埋於長林豐草間惟古聖先賢忠臣孝子故壟所在相禁採樵不入甚至兩地爭爲已有此其

朔平府志

卷之四

建置陵墓

故亦可以思矣茲於古蹟所傳及各屬仕宦之有名者悉誌其墓以爲生斯地者勸

右玉縣

附郭

孝文陵

在城南三十里右玉縣界大南山山如華蓋高聳上有古碑字多磨滅斷續難讀可識者

惟三寶顯明斷年四月十日山上爲孝文皇帝文明諸字餘不成句山半有顯明寺明嘉靖間復有一碑刻漢孝文曾駐兵於此因墓於山遂建寺名曰顯明亦屬難信考漢孝文初封代王卽今蔚州魏孝文初都平城卽今大同巡幸於此亦未可知但漢孝文繼統長安魏孝文遷都洛陽陵似不在此山且漢文時佛法尚未入中國何得有顯明寺不敢附會古碑字詳古蹟明碑文詳藝文存疑備參

將軍墓

在城西二里相傳將軍係唐時人姓名莫考其塚積土成山

明

馬將軍墓

諱英墓在縣西二里

孫都御史墓

諱祥詳人物墓在縣南酸茨河村

麻太僕墓

諱璋詳選舉墓在縣北二十里

李解元墓

諱翰臣詳選舉墓在縣西二十里

李征西將軍墓

諱瑾詳人物墓在縣東一里

李將軍墓

諱玘瑾之弟詳人物

墓在兄墓東里許

麻提督墓

諱貴詳人物墓在縣南八里

緱提督墓

諱謙詳武

宦墓在縣南五十里

王欽墓

在縣東二里

以上右玉人

郭司馬墓

諱之麟墓在威遠堡東北

徐指揮墓

諱欽墓在威遠堡西

沈叅將

墓

諱鯤墓在威遠堡南三里

姚副將墓

諱德明墓在威遠堡北五里

徐刺史墓

諱應麟墓在威遠堡東北四里

王通判墓

諱尚賢墓在威遠堡西四里

曹知縣墓

朔平府志

卷之四

建置陵墓

諱漢臣墓在威遠堡南三里

以上威遠人

國朝

麻都督墓

諱振揚詳人物墓在縣東北二里右玉人

范叅議墓

諱鳴珂墓在威遠堡西二里威遠人

左雲縣

明

張提督墓

諱輓墓在縣正北十里

范都督墓

諱瑾墓在縣西北十里

錢總

兵墓

諱中選墓在縣東三十里

葛副使墓

諱紀墓在縣南十里

張都督墓

諱鵬

墓在縣西五里

畢總兵墓

諱應武墓在縣北五里

陳總兵墓

諱霞墓在縣西十里



國朝

李榮祿墓

諱世龍墓在縣西北十里

裴知府墓

諱紹宗墓在縣西南五里

平魯縣

明

李忠愍公墓

諱梅詳人物墓在縣東八里

劉征西將軍墓

諱漢墓在縣東

南十里計光祿墓

諱輔墓在縣西北三十里

劉叅將墓

諱繼墓在縣南三里

馮提督總兵墓

諱舉墓在縣西三十里

國朝

牛總兵墓

諱射斗墓在縣南三里

朔平府志

卷之四

建置陵墓

一百二

朔州

魏元姬墓

葬在州北三十里魏道武侍姬姓李善謚卒於此因以名山

唐豐王墓

在州北黑埒山詳風景

唐尉遲恭墓

在州西九十里無忌村石獸猶存考鄂國公陪葬太宗昭陵此疑是其家人墓

宋楊太師墓

在州西五里

元鄴河古墓

年遠墓湮訪之土人莫知其人

劉節婦墓

元賈賢妻墓在古城北

明

徐總兵墓

諱鎮都墓在州西南十五里

盧叅政墓

諱時泰墓在州西南十五里

鄭少卿墓

諱本公墓在州南二里

吳孝子墓

順有碑志本姓雷名墓在州東八里

國朝

解知府墓

諱元才墓在州東南二里

劉總兵墓

諱詔墓在州北百餘里

馬邑縣

元

閻丞相墓

在吳庄西北石羊尚存

明

田方伯墓

諱彭墓在河南沙嶺灣

武進士墓

諱文墓在西君村

張兵備道墓

諱名世墓在城西

焦太守墓

諱昇墓在城東

霍贈公墓

諱朝重右通政鏐之父墓在劉令史營有誥命碑

朔平府志

卷之四

建置陵墓

一百四

霍通政墓

諱鏐墓在城東十里有石柱石坊

國朝

霍中書墓

諱之瑄墓在城東十里通政墓傍

張孝廉墓

諱浩墓在桑乾河西里許

田侍郎墓

諱喜霽墓在司馬泊西康熙三十六年奉勅葬建

乳塚

在縣廣武驛西北塚有二百餘堆俗傳宋楊將軍與北兵戰所築又名米糧堆

歸化城

燕丹墓

在口外榆林城相傳即燕太子丹墓

青塚

即王昭君墓昭君王嬙南郡秭歸人漢元帝時以良家子選入掖庭數歲不得見御積悲怨會

匈奴呼韓邪來朝帝勅以宮女五人賜之昭君乃請掖庭令求行呼韓邪臨辭大會帝召五女以示

之昭君豐容靚飾光明漢宮顧影徘徊竦動左右  
帝見大驚意欲留之而難於失信遂與匈奴號寧  
胡閼氏生一男伊屠智牙師爲右日逐王後被異  
母兄囊知牙師烏珠留若鞮單于忌殺呼韓邪立  
二十八年建始二年死其前大閼氏子雕陶莫臯  
立爲復株翁若鞮單于欲妻之昭君上書求歸成  
帝勅令從胡俗遂復爲後單于閼氏生二女長女  
云爲須卜居次小女爲當于居次須卜當于匈奴  
大族居次女號若漢言公主也至平帝時王莽秉  
政欲悅王太后乃諷單于令遣王昭君女須卜居  
次云入侍太后賞賜甚厚後云壻須卜當于奢至  
漢葬以庶女妻奢封爲後安公載在前後漢書歷  
來詩曲俱襲毛延壽畫圖說及昭君不從胡俗飲  
藥死未詳何據識者辨之青塚一在殺虎口外歸  
化成東南三十里黑河南岸路西高丈餘圍畝許  
無碑記訪之土人云西黃河岸及瓦刺地方復有  
二處匈奴住牧遷徙不常未知孰是

朔平府志

卷之四

建置陵墓

一百五

國朝

都統世襲精奇尼哈番墓

在口外黑河南岸卽土默台吉朝庫兒有

御製碑

大禹有言生寄也死歸也生於世必歸於土是以陵  
墓所在古人謂之壽藏蓋葬者藏也欲其深不欲其  
淺壽者久也欲其遠不欲其近試觀自古及今不知  
幾何世矣幾何人矣死者之數萬倍生者之數厚葬  
薄葬未嘗不欲藏之久也然而欲久者未必久而不  
欲久者反得久達人浮生若寄烈士視死如歸何嘗

思身後之骨傳之於久乃越千百年後過其地望其  
壘愛之護之憑之弔之相與流連而不忍去必有所  
以使人不忘者至若桓司馬自爲石槨三年不成眞  
死不若速朽之爲愈矣豈不謬哉

